

# ANA DİLİ



OKUMAK, DİL SÖZ  
II - ci KLAS İÇİN

MINISTERUL ÎNVĂȚĂMÂNTULUI, TINERETULUI  
ȘI SPORTULUI AL REPUBLICII MOLDOVA

D.TANASOĞLU

# ANA DİLİ

---

OKUMAK, DİL, SÖZ  
II-ci KLAS İÇİN

İkinci basım

---

Chișinău, Știința, 1997

CZU 809.436.5—5(075.2)

**Pictor *A. Popov***

**Türkiye Hükümetinâ hem Moldovada Büükelçilinâ gagauz  
okul kıyatların basılması için çok teşekkür ederiz.**

**T 4306020200—21  
M—004—97 La comandă**

**ISBN 9975-67-021-0**

**© Text: D. Tanasoğlu, 1997.**

**© Pictor: A. Popov, 1997.**

REPUBLIKAM – MOLDOVA.

Ana tarafım – Bucak.

Ana dilim – Gözâl gagauzçam.

---

## Gagauzistan.

*D. Tanasoğlu.*

Dannar şen aarêêr  
Sabaa başında  
Gün dâ şılarêr  
Gül başçasında.

Kalkınêr Taraf işä-  
Girgin insannar,  
Darsık ürekli köşä  
Ömürü açar...

Ana Tarafım,  
Sevgili topraam,  
Bucak, Vatanım,  
Gagauzistan!

**Bu peetlär çalınêrlar nicä patriotik gimni.  
Patriotizma lafetmesi gagauz halkı için.**

## Ana dilim.

*D. Tanasoğlu.*

Ana dilim, tatlı bal,  
Salkım ciçää kokusu,  
Şırasını üklü dal  
Vermiş gömeç dolusu.

Ana dilim, gözâl ses,  
Maanä-türkü avası,  
Onu işidän herkez  
Doymaz, geçmâz avazı.

**Ana dilimiz için lafetmâk.**



## **Gagauz alfabeti.**

*Latin grafikasında.*

*(tekrar).*

**Aa, Ää, Bb, Cc, Çç, Dd, Ee, Êê, Ff, Gg, Hh, Iı, İi, Jj,  
Kk, Ll, Mm, Nn, Oo, Öö, Pp, Rr, Ss, Şş, Tt, Țț, Uu,  
Üü, Vv, Yy, Zz.**

---

Bu yıl üüretim kiyadı sizdän ne isteer:

oku — annat,

yaz — annat,

düşün — annat,

seslä — annat, bak — annat,

hem lafet, danış, sölä, haberlä.

Üürenin, nicä dooru, gözäl, demekli lafetmää; nicä bir-kimsey lafedärkän seslemää; nicä soruş koymaa hem nicä yazılı da annatmaa.

**ANNAMAK hem ANNATMAK**

**Çok bilgi hem becermâk kazançları sizä!**



## Alfabet sıralında gagauz adları.

*Ani*, näända iinelär?  
*Báku* aldı teminnär.  
*Caná* koktu çiçecii,  
*Çiçek* tuttu böcecii.  
*Dimu*, topu, saklama,  
*Eucen* bıktı aaramaa.  
*Fedi* mi geldi bizä?  
*Görgi* sä gitti sizä.  
*Hoca* eşeenä pindi,  
*İvo* fikra edindi.  
*Jana*, näända boyalar?  
*Kati* sordu nekadar.

*Länka*, durma sokakta,  
*Maşi* bekleer yatakta.  
*Nasti* girdi baalara,  
*Oli* ama — daalara.  
*Petri*, na bir zerdeli,  
*Radu* verdi, bezbelli.  
*Sandi* alma topladı,  
*Todur* armut bulmadı.  
*Tani* evdä işledi,  
*Ulya* uşaa besledi.  
*Vasi* kemença çalêr,  
*Yani* kiyat okuyêr,  
*Zina* Peticii sallêr.

## Eldän yazılı adlar:

*Nadi, Soni, Aydın, Sevda, Arif, Vasi, Sava, Andrus, Maşi, Saltan, Oğuz, Araslan, Miti, Kalina, Feni, Dona, Oli, Dilber, Petri, Nasti, Goguş, Hristi, İliya...*

**Bu adları alfabet sıralına yazınız.**

**Kendi adınızı hem soyadınızı yazınız.**



Bu lafları alfabet sıralına görä erleştiriniz baş literasına görä:

kürek, süpürgä, otluk, turna, lelek, arpa, hiç,  
un, buz, don, erik, çökelek, cömert, mantar,  
üklük, örtü, zevk, yalın, filcän, inci, ırgat...

**Laflar:** çökelek  
zevk  
inci  
ırgat

## Genä şkolaya.

(okumaa).

*D. Tanasoğlu.*

Tä genä şkolaya geldik,  
Yazı braktık dünkü günä,  
Çiçek testä hem getirdik,  
Çıktık tä şkola önünä.

Üüredici karşı etti,  
«Hoş geldiniz» selâm verdi  
Da içeri buyur etti,  
«Ayıdın klasa girin» dedi.

Tanımadık klasımızı —  
Yaz vakıdı ne diişilmiş.  
Baktık İlk kiyadımızı —  
O sa ikinciyä geçmiş.

**Laflar:** testä — buket, bir tutam;  
İlkiyat — abecede.

**Nicä yazalım:**

Laf «etmää» iki türlü yazılêr:  
bir kısımnı laflan birleşik  
— *lafetmää*;  
çok kısımnı laflan ayırık —  
*buyur etti*.

— Şiiri uygun seslän okuyunuz.

**Düzün bir tefter — laflık; lafları alfabet sıralında yazacınız.**

**Soruşlar:**

1. Yılın angı zamanı için laf gider bu şiirdä? Näändan annadınız bunu?
2. Ne duygular üreklerinizdä kaldırêr şkolaya genä gelmäk? Neçin?
3. Ne fikir verer sizä bu şiir? Angı laflar bunu gösterer?

---

Bizim şkolamızda ilk günü niceydi? Annadınız.

Şkola için biribirinizä soruş koyunuz.

---

**İş.**

1. Laflarlan birär fikir söläyin: «şkolada», «yazın», «güzün», «klas».
2. İlk strofayı tefterä yazınız.
3. «Etmää» lafı birleşik hem ayırık yazmaa laflar bulun da yazın.

**Ö r n e k :** yoketmää... yardım etmää...

---

**Bu lafetmeleri tamamnayın:**

1. Genä şkolaya.....
2. Şkolamız çok....
3. .... klasa geçtik.

biz

ikinci  
geldik  
gözäldir

---

## Intuițiya.

### Köpek.

Köpek kedadän taa büüyüktür. Onun güüdesi örtülü sert saçlan. Kimi köpeklär var kara, başkaları balan, sarılıgt yada kızılıgt.

Köpek bekleer hem koruyêr adamın evini bütün gecä. O salêr pek seslän: «ham! ham!»

Çoban köpekleri koruyêrlar koyunnarı yabanılardan. Avcı köpekleri, «tazılar», avcılıkta gezerlär. Onnar sarı-biyaz alaca renkli.

Köpek doyunêr kemiklärân hem kırıntılarla sofradan. Hepisindän pek ama o yaanı beener. Köpek sever çorbacısını. O inan bir hayvandır. O bir ev hayvanıdır, nicä dä kedi.

#### Laflar:

balan,  
sarılıgt  
kızılıgt  
renkli

#### Nicä yazalım:

«koruyêr» — diil «korêr»;  
«avcı» — diil  
«aucu»; «avlanmakta» — diil  
«aulanmakta»;  
«kayı» — diil «kail»

#### Soruşlar:

1. Ne için okudunuz büün?
2. Nelär sölenir bu tekstä köpek için?
3. Neçin sölenir, ani köpek inan hayvanmış?
4. Köpää bakmaa nicä läüzüm?
5. Kediylän köpek nicä yaşêrlar?

#### Bilmeycä:

İki ev dostu  
Sofraya gelir,  
Açan buluştu,  
Çirkin çekişer.

İş.

Bu laflarla birer cümle kurunuz. Dooru söyleyiniz.

Eldən yazılı bir fikir teftərə yazınız.

Aşağıdakı cümlelərdən ayırın, yanlışları düzəldin:

- |                        |               |                    |
|------------------------|---------------|--------------------|
| a) Köpek kartofı iyer. | a) Köpään     | a) Köpek eşektən   |
| b) Köpek kartofı       | tüüleri eşil. | büyük.             |
| imeer.                 | b) Köpään     | b) Köpek tavşandan |
|                        | tüüleri kara. | büyük.             |
- 

Çok köpek birerdə — o bir sürü, köpek haytasıdır.

---

Kuduz köpektən korunun. Haymana köpeklerin arasında kuduz da bulunur. Açıkgöz olunuz.

---

Köpek adları gagauzlarda:

Karabuş, Bozka, Lupu, Balan, Kopoy, Tarkuş, Duman,  
Polkan, Batır, Batal, Tırtan...

---

Köpeklər var masallarda da:


«Bozka», hem «Urdum-Toprak»,  
(«Trak-trak, susacım») h.b.

Sizin köpeenizi

bulun da esap alın  
onun güüdä  
paylarını, rengini.



## İi dost.




Soruşlara görä bir annatma yaradınız.

1. Köpek gençkän çorbacısına nicä izmet edärmış?
2. Sora, kartlaşmışkan, nicä izmet edärmış?
3. Çorbacı ondan kurtulmak için ne düşünmüş yapmaa?
4. Köpää kayaa pindirip, nereyâ yollanmış?
5. Suyun orta erindä kayıklan ne olmuş?
6. İhtiar çorbacı üzmää bilärmış mi?
7. Buulmaktan onu kim kurtarmış?
8. Köpek çorbacısını neçin kurtarmış?
9. Çorbacı ozaman ne düşünmüş?

*Köpek adamın dostudur.*

**Okumak.**

## **Şeremetlik evi.**



Yaprakları hem meyvaları boyadıktan sora, güz yollandı bizim şkolamıza dooru.

Burada uşakların pek çok işleri var: yazêrlar, okuyêrlar, resim ederlâr, türkû çalêrlar...

Kanikullar o gözâl günnârlân uçup gittilâr bir sürü kırlangaç gibi.

Klaslar şılêrlar temiz güz güneşin yalpak aydınında. Dolu taynalarlan şkola kiyatlarını dayanmaksız aktarêrız yaprak-yaparak.

— Uşaklar, bu yıl biz üürenecez eni hem meraklı işlâr! Kiyatlar sizin dostlarınız olaceklar, — bizâ danıştı üüredici-hanum.

Lambu aldı «Ana dili» kiyadı da okuyêr. Biz izleeriz açıkgöz. Güz bizi siireder sevinçlân.

— Ne şeremettir bu uşaklar! — ilin çirikledi bir kuşçaaz.

— Senin dooruluun var! — cevap etti ona güz. — Şkola bir şeremetlik evidir!

**Laflar:**  
şilêêrlar,  
temiz,  
meraklı,  
danıştı,  
izleeriz

**Yazalım dooru:** boyadıktan, yollandı,  
burada, klaslar, şilêêrlar, kiyatlar, yaprak-  
yaparak, bu yıl, dostlarınız, okuyêrlar, kanikul-  
lar, kırlangaç.

### **Soruşlar:**

1. Angi ayda başlêêr  
üüretmâk yılı?
2. Neyä benzederiz  
kanikul günnerini? Neçin?
3. Şkolayı neyä benzederiz?  
Neçin?
4. Üüredici-hanum neçin deer,  
ani kiyatlar bizä dostmuş? Ye  
klas? Uşakların ne borcu var?

### **İş. Sınışlar.**

Teksti okuyun bütün hem ayırı-ayırı.

Lafları «táyna, meraklı, burada, okuyêr, yollandı», dooru  
sölemää sınaşınız.

«Burada» hem «okuyêr»  
lafları tefterlerä yazınız.

**İş. Dialog** sıralarını  
tefterlerä geçiriniz.

*Biz bir aileyiz.*

### **Praktik işlär.**

Klasta izmetçilii erleştiriniz.  
Kiyatları, tefterleri kaplayınız.  
Adlarınızı, soyadlarınızı  
tefterlerin kabına yazınız.

### **Masal.**

#### **Tilkinin şalvirlii.**

(Halk masalı).

Bir küülü piinirleri sepedä koymuş. Panayıra gidärkän yolda  
ölü bir tilki görmüş. «Tilkinin derisi para eder», — düşünmüş da  
sepedä atmış. Tilki ama ölü diilmiş. Piinirleri hepisini imiş. Sora  
sepettän atlayıp, kaçmış.

Yolda tilki bir yabanıya raslamış. Yaptığını tatlı-tatlı annatmış. Yabanının aazı sulanmış. Tilki, yi isin istemiş. Tilki, yabanının elindän kurtulmak için, demiş:

— Yabanı-kardaş, tezdä yoldan küülülär, sepetleri piinirlän dolu, geçecekler. Sän dä benim gibi yap. Yolun kenarına yat. Ozaman çok piinir iyecän.

Ahmak yabanı tilkinin dediini yapmış. Küülülär bir kalın dayak atmışlar ona. Düüyülmüş, yabanı birtaa hiç bir tilkiyâ inanmamış.

**Laflar:**

Lafları dooru yazalım: *panayır, atlayıp, tatlı-tatlı, iyecän, ahmak, tilkiyâ, inan.*


şalvir — şiret  
raslamış — karşı gelmiş  
dayak — lobut

**Bu laflarlan birär cümlä kurunuz, lafları dooru yazınız.**

**Soruşlar:**

Ne koymuştu sepedinä bir küülü?  
Panayıra gidärkän, yolda o ne görmüştü?  
Yolcu o tilkiyi ne yapmıştı?  
Tilki sepet içindä ne yapmıştı?  
Yabanıylan karşı gelip, tilki ne annatmıştı?  
Yabanının elindän o nicä kurtulmuştu?  
Yabanıylan ne olmuştu?  
Yabanı ne fikirä gelmişti?

**Söleyiş:** Testi suya her kerä gitmeer.  
Söyleyişin maanasını açıkalayın.  
Başka da söyleyişlär bulun.



**Bu masal tekstini var nicä iki paya bölmää:**

1. Tilkinin kısmeti;
2. Yabanının belası.

**Teksti fragmentlerä görä okuyunuz.**

**Her bir fragmenti annadınız.**

**Cümleleri doldurunuz.** Lafı «etmää» dooru kullanınız.

Panayıra.... yolda ölü....  
görmüş.

Sora .... atlayıp.... .

Yolda .... raslamış.

Yok ....

Vaatiz ....

Zarar ....

Yardım ....

Met ....

Cuvap ....

Ses....

El....

Af....

İilik....

Göz....

**Lafetmäk.**

**Soruşlar kim? ne?**

Okuyun hem yazın bu lafları: **Kim?** Kati, Maşi, Vasi; mamu, baka, kız, çocuk; insan, halk; usta, hergeleci, üüredici, avcı;

**Ne?** Komrat, küü, demir, Ay, Gün, bulut, masa, ot, aaç, saç, tavşan, kuş, horoz, pipi, ördek, yımırta; su, suuk, soluk, fikir, laf, kuzu, hayvan, sayı, ad, soyad...

**Kural.** *Kim?* sade insana baalı laflara, adlara koyulêr.

**Örneklär:** *Kim?* Todur, insan, üürenci, çalgıcı, yazıcı, Sofi, kaku h.b.

*Ne?* koyulêr kalan laflara, adlara canını da, cansız da olsalar.

**Örneklär:** *Ne?* lelek, sıçan, soluk, kır, alma, çiçek, inek, taş, tefter, kıyat h.b.

**İş.** Laflara dooru soruşları koyunuz (*Kim? Ne?*).

Ođun (...), ekmek (...), asker (...), soba (...), sıra (...), Oli (...), işçi (...), çiftçi (...), tükän (...), satıcı (...), iplik (...), terzi (...), yumak (...), hava (...), ava (...), saadıç (...), düün (...), gelin (...), uşak (...).

**İş. Kim?** soruşa uygun laflar, adlar bulun, tefterlerä yazınız.

**Ne?** soruşa uyugun laflar, adlar bulun, teflerlerä yazınız.

**İş. Soruşlara cuvap verin.**

Mancaya ne koyulêr?

Sofraya kim oturmuş?

Kuş aulunda nelâr yaşêêr?

Tükendä nelâr satılar?

Tükenä kimmär geler?

**İş. Angı soruşlara cuvap eder bu laflar, adlar?**

Patlacan, çoban, dam, yaamurluk, üzük, akıl, oyuncu, pelin, baacı, çotuk, portokal, papagal, aylâ, büücü, imäk, odun, süt.

**İş. Bilmeyceyi okuyun da bilin, nedir.**

Yaprakları var, ama aaç diildir. Dikili, ama gölmek diildir. Annadêr, ama insan diildir.

Bilin, nedir?

Bilmeyceyi tefterlerä yazınız.

Başka bilmeycelär dä söläyin.

**İş. İnsana baalı, kim?** soruşa cuvap edän laflar, adlar söläyiniz.

**Ne?** soruşa cuvap edän giim adlarını söläyiniz.

**Şiir. Okumak.**

## Kiyatlarım.

*Ausel Tukalıya görä.*

Masal, şiir, maanä testä  
Aararsan ne dä içindä,  
Benim bilgi o ambarım,  
Çok sevgili kiyatlarım.

Fıkra, bilmeycä hem resim,  
Hepisini çok severim,  
Pek ii dostlar onnar bana,  
Doyamam kiyatlarıma.



Benim renkli sän dünneyim,  
Benim bilgi sän ambarım,  
Seni temiz hep tutacam,  
Hem kabını hep saracam.

---

*Kiyat – o bilgi sandıcaadır.*

---

**Laflar:**

**Soruşlar:**

ambar  
fıkra  
renkli  
temiz

1. Nesoy uşak kiyatları için annadêr?
2. Nelär varmış onun kiyatlarında?
3. Kiyatlarını o neçin sevârmış?
4. Kiyatlarını o nicâ sayarmış?
5. Kiyat nedir?

**Lafları dooru yazalım:** maanä, ambar, kiyat, dünnä, tutacam, saracam.

**İş.**

– Laflarlan «maanä», «fıkra», «temiz», «ambar», birär cümlä kurunuz.

– Şiirin üçüncü **strofasını** tefterlerä yazınız. Onda ne sölenêr?

– Aşaadaki cümleleri okuyun; ayırın, angıları dooru, da tefterlerä yazın: Kiyat masada yatêr. Kiyat masada durêr. Kiyadın sergen çıkardı. Kiyadı sergendän çıkardı (aldı, indirdi) Aydına. Kim bunu kiyat? Bu kiyat kimin?

---

Çok kiyatlara, masus sıralıkta diziliyân, *biblioteka* deniler.

Sizdä evdä biblioteka var mı?

Şkolada biblioteka var.

**Lafetmäk.**

**İnformatiya.**

Sän kimsin?

Soyadın: Terzi

Vaatiz adın: Sava

Boban: Terzi Todur

Anan: Terzi Vari

Bütün adın: Terzi T. Sava

Yazılman: Sava Terzi

**Doldur kendin (tefterdä)**

Soyadın: .....

Vaatiz adın: .....

Boban: .....

Bütün adın: .....

Yazılman: .....

**Soruşlar:**

1. Aylenez kimnerdän kurulu?
2. Aylenezdä her birinä nicä deersiniz?
3. Soyadı nedir?
4. Vaatiz adı nedir?
5. Eer Motinin bobası Arnaut Sandiseydi, onun bütün adı nicä olacek?

Akılınıza getirin da yazın: ne sormuş Nina Soniyä telefonda?  
Soni ona ne cuvap vermiş?

Miti Vasiyâ bir biletçik yazmış:

*14 oktombri,*

*Sevgili Vasicik!*

*Yarın Saat 11 küü bibliotekasında seni bekleirim.*

*Buluşunca,*

*Miti.*

---

**İnformațiya** var kolay aazdan yada yazılı olsun, verilsin. İnsan danışêr aazdan (oral) yada yazılı. Biribirinä haber, enilik, söylemâk, bildiriş, lafetmâk h.b. vererlär.

---

**İş.**

- Şkolamız için aazdan informațiya veriniz.
- Küüyünüz için yazılı informațiya veriniz.
- Ana dilmiz için informațiya veriniz.

**Örneklär:**

- a) Şkolamız büyük bir yapıdır.
- b) O küüyün ortasında bulunêr.
- c) Onun var: .....

- a) Bizim küüyümüzün adı Baurçudur.
- b) .....

- a) Bizim ana dilimiz gagauzçadır.
- b) O pek gözâl hem bal gibi tatlıdır.
- c) .....

- |  |
|--|
| <ul style="list-style-type: none"><li>– Dostunuza bir biletçik yazınız.</li><li>– Dostunuzun biletçiinâ cuvap yazınız.</li></ul> |
|--|

## Tilki hem Turna.

(masal).

Birgün Tilki Turnayı sofraya teklif etmiş.

Needinä şalvir koymuştu Turnayı gülmää etsin.

— Gel, suvatä, bana musaafirlää. Sofra hazır.

Yapmıştı Tilki bulamaç. Kotarmıştı bir suva-suva çiniyä.

— Buyur, kumacım, al, i, datlı pek bulamaç!

Turna boşuna savaşarmış o uzun gagasınnan bişey bare alsın.  
Tilki sä, dilinnän tez yudup, silmiş çiniyi.

İkinci günü şindi Turna Tilkiyi sofraya çaarmış. Sofraya bir dar buvazlı üüsek çölmek kurbaa mancasınnan sürmüş.

— Buyur, Tilki, savsaklanma!

Aç kalıp, Tilki üfkäylän bakarmış salt, nicä Turna kurbaa mancasını yudarmış.

— Benim havezim yok senin kurbaalarını imää! — demiş şalvir Tilki da kuyruu sarkık bacaklar arasına, gitmiş.

*Söleyiş.*

*Ne yaramêêr sana,  
yapma başkasına.*

### Laflar:

buyur etmiş, bulmaç,  
çini, sürmüş,  
savsaklanma, datlı

### Soruşlar:

1. Tilki Turnayı sofraya neçin buyur etmiş?
2. Turnayı Tilki nicä aldatmış?
3. İkinci günü Turna ne yapmış?

4. Tilki Turnadan nicä gitmiş?

5. Bu masaldan ne öğrenmäk çekeriz?

### **Nicä yazalım:**

Laf «etmek» çok kısımnı laflan ayırık yazılêr (buyur etmiş); bir kısımnı laflan birleşik yazılêr (afet, yoket).

Dooru yazalım: bulamaç, suva-suva, birgün, hem bir gün, suvatä, aç kalmış.

### **İş.**

Bu teksti var nicä bölmää iki parçaya — *fragmentä*: adı (tit-lusu) olsun her bir fragmentin.

1. Turnanın aldanması.

2. Tilkinin cezalanması.

Teksti fragmentçä okuyunuz.

Her bir fragmenti ayırık annadınız.

Laflarlan «savsaklanma», «çini», «datlı», «tatlı» cümlä kurunuz.

Söleyişin maanasını annadın. Başka da söyleyişlär bulun hep bölä maanada.

### **Lafetmäk.**

### **Telefonda.**

(Dialog).

— Alo! Günaydın! Bän Ninayım.

Soniyän lafetmää isteerim. Var mı nicä?

— Alo! Nina! Elbetki, var nicä.

— Teşükür! Alo! Soni? Seläm!

– Seläm, Nina!

Soni, bibliotekaya kiyat getirecän mi?

– Getirecäm, zer.

– Mutlak mı?

– Mutlak.

Bän götürdüm.

– Pek islää! Bravo!

– Saa ol! Saalıcaklan! Hoşça kal!

– Saalıcaklan! Gülä, gülä!

### **Laflar:**

günaydın	teşükür
elbetki	mutlak

### **Soruşlar:**

1. Nina kimä telefon açtı?
2. Telefonda Soniyä o ne sordu?
3. Soni Ninaya ne cuvap verdi?
4. Nina da ona ne söledi?
5. Lafetmenin sonunda kızlar nicä saalıcaklaştılar?

**Nasaat:** Ačan telefonda lafedersiniz, unutmayın, en ilkin gözäl seläm vermää hem kimsiniz söyleäsiniz, hatırlı seslän (tonnan) danişasınız.

**İş.** Bir telefon lafetmesi düşününüz.

Kiminnän hem ne için lafedeceniz, söyleäsiniz. Soruşları hem cuvapları düşününüz.



## Lafetmāk için.

- Kumi, işin güç biraz:  
işledin mi sän bu yaz?
  - Bu aklıma gelmedi  
ot içindä ozaman...
- 

Kimnär lafeder bu **dialogta**?

Kim sorêr?

Kim cuvap eder?

Ne cuvap verer çekirgä?

---

- Miti, sendä nekadär para var?
  - Bir param var.
  - Dondurma alacez mı?
  - Mutlak alacez.
- 

Bu **dialogta** kim ilkin danıştı?

Miti ne cuvap etti?

Ne almaa onun dostu sordu?

Miti ne dedi?

---

### Kural.

İnsan biribirinnän annaşêr **lafetmäklär**:  
soruş koyêrlar, cuvap vererlär, haber  
vererlär ya da alêrlar – **informațiya**.

Lafetmāk – **informațiyadır**.

O **informațiya** verer.

---

### İş.

Güz için biri-birinizlän lafediniz.

Çekirgä hem karımca için dâ lafediniz.

---

güç – zor

dialog – iki kişi lafeder

mutlak – haliz.

Çiçek

–

Çiçeklär

**Şiir.**

## **Güz günneri.**

*D. Tanasoğlu.*

Dün çiçek kırdı görärdik  
Kelebek tä uçarak,  
Hem kuan da işidärdik –  
Dün sıcaqtı taa ancak...

Büün serin, bulut, lüzgär,  
Yapraklar erä düşer,  
Kahırlı o çiçeklär,  
Kraadan onnar sörpeşer.

Dün gözäldi dışarlar,  
Nicä yaz sıcak günü,  
Büün sä suuk dolay kırlar,  
Havalar bozêr büünü...

**Laflar:**

serin –

kraa –

sörpeşer –

**Soruşlar:**

Kim yazmış bu şiiri?

Poet nicä duyêr zamanın diişilmesini?

Ne söleer autor geçmiş günnär için?

*İdeya:* Niceydi yaz, nicedir güz?

Güz tablosunu resimnəyin. Şiiri söylemää öğreniniz.

**İş.** Evdä şiiri teftelerä yazacınız.

Esap alın, nicä diişiler günnär güzün.

**Lafları dooru yazalım:**

kuan, büün, kraadan, sörpeşer, dışarlar, suuk, havalar.

**İş.** Dünkü gün için şiirin laflarınnan söyleyiniz.

Büünkü gün için şiirin laflarınnan söyleyiniz.

Yapraklar için söyleyiniz.

Çiçeklär için söyleyiniz.

**Yaratma sınışı.** Denäyin bir **dialog** yaprakların hem çiçeklerin arasında güz için.

Bizim yurtluumuzda güz angı ayları tutêr?

Cuvabı tefterlerä yazınız.

**Resimnäyiniz:**

1. Yaz gününü.

2. Güz gününü.

**Dil.**

**Cümlä.**

**Okuyun da yazın cümleleri:**

Tilki teklif etmiş turnayı sofraya.

Turna sevineräk gelmiş.

Turna neçin iyämemiş?

Ne şalvir tilki!

Ne hayvan hem ne kuş için laf olêr  
bu cümlelerdä? Ne sölenêr?

Nesoy yazı yazılêr cümlelerin ilk lafın başında?  
Cümlelerin sonnarında nesoy nişannar koyulu?

---

*Cümlä bir lafetmäktir; o informatiıya verer.*

Cümlelerin ilk lafı büyük literaylan başlanêr. Cümlelerin sonunda koyulêr nişannar:

nokta (.), soruş (?), yada şaşma (!).

---

**İş.** Kurun lafetmäk «güz» için, «baalar», «hava», «gidän kuşlar», «insan» için.

Aşaadaki cümleleri doldurunuz:

(Kim?) yazêr cümlä. (Ne?) pek şalvir. Daalarda o (ne yapêr?). Uşaklar (neredä?) oynêrlar. (Nêlär) daalarda yaşêrlar?

Aşaadaki cümleleri dooru yazın: miti nadiylän çadırdä üürenerlär onnar gagauz uşaklarıdır nadi kemencedä çalêr biz geldik onnara görüşmää onnar ne sevindilər.

Aşaadaki laflar cümlä mi?

Garga dam kırmızı süpürgä

*Odada dolap var.*

## **Kontrol denemesi.**

*Kimi yazmak kurallarının kullanılması.*

### **1. Diktant.**

Diktant ardına «Köpek» tekstinin fragmentini «Köpek kayıl isin...» bitkiyädän yazın.

2. İki cümlä laflarlan «koruyêr» hem «sever» kurunuz.

3. Lafları «köpek», «inan», «Bozka», «güüdesi» kısımnara bölünüz.

Yannışlıkları doorutmak için eni cümlelär kurasınız.

Her bir diktantta yannışları sayasınız, ki göräsiniz: azalêr mı, osa zeedelener mi onnar.

---

Yannişların doorudulması:

burêy – burıy – **burayı**; met et – **metet**;  
sıklıet – sıklıket – **sıklık et**; kail – kail – **kayıl**...

*Düş, yaprak, düş*

**Okumak.**

### **Ceviz kimindir?**

Fedicik hem Vanicik başçada oynardılar.

- Tâ bir ceviz! – dedi Fedicik.
- O benim olacak! – dedi Vanicik.
- Yok, o benim! – baardı Fedicik.
- Neçin senin?
- Bân onu ilkin gördüm! – dedi Fedicik.
- Bân dâ gördüm, sanma sân! – verilmedi Vanicik.
- Yok, bân!
- Yok, bân dâ!..

Oradan taman geçârdı taa büük bir çocuk Mialuş.

– Çekişmäyin! Bân cevizi payedecâm. Tâ: bir kabını Fedicää,  
birisini Vanicää, içini dâ bana..., ani payettim...

---

Açan ikisi annaşamêr,  
üçüncüsü kazanêr.

---

**Laflar:**

sanma sân  
verilmedi Vanicik

### **Soruşlar:**

1. Fediciklän Vanicik başçada ne yaparmuşlar?
2. Cevizi kim görmüş?
3. Vanicik ama ne demiş?
4. Fedicik tä ne demiş?
5. Onnar neçin annaşamêêr?
6. Cevizi Mäluş nicä payetmiş?

Bu tekst ne fikirä bizi getirer?

Söleyişin maanasını annadın, açıklayınız.

**İş.**

- Teksti rollara görä birkaç kerä okuyunuz.
- Düşünün, nicä vardı kolay annaşsın o uşaklar.

**Laf:** rollar.

**Dil.**

### **Soruş nişanı (?)**

Aşaadaki şiiri rollara görä okuyunuz.

- Näändaydın, tavşancık?
- Näändaydın, tavşancık?
- Daalarda, çocuk,
- buldum üç çibicak!
- Năbacan, tavşancık?
- Năbacan, hayvancık?
- Ateşi yakacam,
- Laana kaynadacam...



## Laflar:

rollär  
çibıcak  
oral

*Istanbula gittin mi?*

## Soruşlar:

1. Bu şiirdä kimnerin arasında lafetmäk olêr?
2. Kim sorêr? Kimä sorêr?
3. Her bir soruşun sonunda nesoy nişan koyulu?

Bir sormak lafın yada cümleinin sonunda **soruş nişanı** (?) koyulêr.

Sormaklı cümleyä **soruş cümlesi** deniler.

**Ö r n e k :** Sandi näända yaşarmış?

## İş.

– Bir-iki soruş cümlesi aazdan, bir-iki dä yazılı kurunuz. Sonnarında soruş nişanını koyunuz.

– Şiiri aazdan söylemää üürenin. Dialog gibi söläyin.

– Aşaadaki cümlelerin sonuna nokta erinä soruş nişanı koyun. Uygun intonaţiyälän söläyin.

1. Tavşan korkak mı.

2. Köpek salardı.

3. Çocuk ne demiş.

Kızçaaz aalêêr mı.

Derslär kolaydı.

Koli näanı gitmiş.

Cümleleri soruş yapmaa deynı lafçaazı «mı» («mi, mu, mü») eklemää läüzim.

**Ö r n e k l ä r :** Evä biz gidecez.

Evä biz gidecez mi?

Vladi topunu tuttu.


Vladi topunu tuttu mu?

– Düşünün, kediyi köpek niçä soruşlu dialog lafedirlär.

– Tükendä soruşlu dialog yapın (oyun).

Soruşları tefterlerä evdä yazasınız.

## Şaşma nişan (!). Dionizçik zooparkında.



Bir pazar babacımnan Zooparkına gittik. Orada ne çok türlü hayvannar hem kuşlar gördük! Tā sırayca annadayım.



Maymun.

– Ne çirkin!



Ayı.

– Mor! Mor!




Yabanı.

– Hu-u, yabanı!



Zebra.

– Ne korafılı!



Tavşan.

– Ne korkak!



Papagal.

– Seftä gördüm!



Kaplan (Tigru).

– Ne dişlär!

Ona sokulma!



Aslan.

– Ya ne elesi!


Diimä ona!



Leopard.

– Käämil derisi!

Allaa korusun  
ona düşäsin ama!



Devä.

— İki kamburu vardı!



Buhu.

— Ne kulaklı kuş!



Kartal.

— Bak, ne tırnaklar!



Paun.

— Ne gözâl kuş!



Tilki.

— Ne kuyruu var!



Kaplumboa.

— Ne kalın!

- Dioniz, zooparkında islää mi?
- Pek islää!
- Bän dä gidecäm!
- Git! Mutlak git!

**Laflar:**

zebra  
bursuk  
kaplan  
aslan  
paun

## Soruşlar:

1. Dioniz **neleri** zooparkında görmüş?
2. Onnar için o nicä annattı? Şaşmaklan mı?
3. Onun şaşmak cümlelerinin sonunda nesoy nişan koyulu yazmakta? (Şaşma nişanı).

## Lafları dooru

### yazalım:

nişan, zoopark, paun, ayı, tavşan, yılan.

---

Şaşmak gösterän lafın yada cümleinin sonuna **şaşma nişanı** koyulêr.

Şaşmak gösterän cümleyä **şaşma cümlä** deniler.

**Örneklär:** Vay, ne gözäl almalar! Käämil! Bravo!

---

## İş.

— Bir-iki şaşma cümlä aazdan (oral), bir-iki dä yazılı kurunuz. Sonnarında şaşma nişanı koyunuz.

— Dionizin şaşma cümlelerini aazdan sölemää üüreniniz. Dialog tutturunuz.

— Aşaadaki cümlelerin sonuna soruş ya nokta erinä şaşma nişanı koyun. Uygun intonaşiyalan söläyiniz.

1. Ne gözäl kuş?
2. Ya ne dişlär?
3. Burada ne çok insan?
4. Ana dilim tatlı bal.

## Şaşma laflar:

Artık! Elbet! Ah! Of! Yok! Olmaz!

Bu lafları uygun intonaşiyalan söläyiniz.

---

— Soruş cümlelerini şaşma cümlä yapınız:

1. Fistanın gözäl mi? 2. Gördün mü?

3. Var mı? 4. Ana gagauzçamız ne zengin mi?

Ö r n e k : Fistanın gözäl! («mi» düştü).

---

Soruş cümlesini şaşma cümlä yapmaa deyni, lafçaazı «mi» (mı, mu, mü) çıkarmaa lââzım.

---

— Siz dä şaşma cümlelärlän annadın, nelär görmüşünüz panayırdä. Evdä tefterlerä yazasınız.

**Okumak.**

### **Maşinin resimneri.**

Bir gün Maşi dört peri-kız resim etmiş. İsteersiniz mi bilmää, kimmiş onnar? Ozaman okuyun düşünceli, ne söleer herbiri.

— Bän getirerim en ii meyvaları hem en gözäl renkleri. Benim çancaazlarım genä şkolaya çaarêrlar.

— Bän ama topraa bir geniş biyaz yorgannan örterim, ki din-nensin o da birkaç ay.

— Bän eriderim kaarları. Büümneri uyandırêrım su şırıltıcıklarınnan. Aaçlar gülerlär, kuşlar çalêrlar.

— Bän ama oldurêrım ekinneri benim fırınnarımnan. Üürencilär kanikulda sıcak günnerä sevinerlär.

Tä nicä Maşi bir gün dört peri-kız resim etmişti.

Annadınız mı, kimmiş o peri-kızları?

Annadınız.

## Laflar:

peri-kız — zina  
düşünceli  
meyva  
renklär

## Soruşlar:

1. Ne yapmış Maşi birgün?
2. Güzü o nicä resimnemiş?
3. Kışı o nicä resimnemiş?
4. İlkyazı o nicä resimnemiş?
5. Yazı o nicä resimnemiş?
6. Nesoy adlar var nicä koymaa o peri-kızlara?

**Lafları dooru yazalım:** Maşi, birgün, peri-kız, resim etmiş, okuyun, herbiri.

**İş.** Resim ediniz siz dä o dört peri-kızı.



## Nokta (.)

Soruş hem şaşma cümlelerdän başka, lafetmektä (sözdä) **annatma cümlesi** dä çok kullanılêr: *Saşı yazêr. Kedicik oynêêr.*

**Annatma cümlesinin sonuna nokta (.)** nişanı koyulêr.

**İş hem sınışlar.**

- Teksttä annatma cümleleri çok var. Bulun onnarı.
- Kendiniz geç güz için 6 cümlä kurun. Sonunda nokta (.) koyunuz.
- Soruş cümleleri kurun. Onnara cevap, annatma cümlelär kurunuz.
- Annatma cümlelär kurun. Onnarı soruş cümleleri yapınız. Dooru nişannarı koyunuz.

## Virgül (,).

Esaba alın **punktuaşiya** nişannarını bu cümlelerdä:

- a) Peti, Moti, Lambu hem Vasi gimnastika çevresinä gezerlär.
  - b) Kartofilär, morkuvalar, suvannar maazada bulunêrlar.
  - c) Sevda, bakma geeri!
  - ç) Kim kiyat bilmeer, onun gözleri karannık.
- Söläyin, virgüllerin ne faydası var bu türlü cümlelerdä?

---

Lafları, adları sıralarkan, aralarında **virgül** koyulêr (Peti, Moti, Lambu...). Ama arada varsa laf «hem», ozaman virgül koyulmêêr (... Lambu hem Vasi...).

İki cümleinin dä arasında çok kerä virgül koyulêr.

Nokta, soruş, şaşma nişannarı, virgül — **punktuaşiya** nişannarıdır.

– Esap alın, nicä kullanlêr virgöl ayırmaa deyini o lafı, ani bir danışmak gösterer:

a) Radu, ver topu!

b) At, Radu, topu!

c) Ver topu, Radu! Yazın siz dâ bölä bir cümlä.

İş.

– Puntuatıya nişannarını koyunuz:

Sanda ☐ Soni ☐ Girgina ☐ Valiya baadan geldilär ☐  
Sanda ☐ ne topladınız büün ☐ Ya göreyim ☐ Vay ☐ ne  
olmuş üzümnr ☐

– Biz onnardan sıra yapacez .

– Yazın dört cümlä, ani olsun virgülleri.

– Yaradın bir kısa annatma, angısında olsun virgüllär dâ.

Şiir.

## Mılçı.

*D. Kara Çoban.*

Zor, büüdüyñän, meklemaa  
hem gezmää işsiz;  
Hem küçükkän beklemää  
ekmeklär pişsin.

– Ha, dayan, mamucuum,  
Da bittiynän yakmaa,  
Çekedecäm avucumda  
Mılçı bän yapmaa.

Yan soba açıklıkta  
Yandıkça çatlêr,  
Da uşak o çatlaktan  
Mılçıya bakêr...



## Laflar:

mılçı — kabartma pita

meklemää

## Soruşlar:

1. Bu şiiri kim yazmış?
2. Dayanmak, beklemäk için poet ne söleer?
3. Soba için ne söleer?
4. Uşak için ne söleer?
5. Uşak mılçıya neçin bakarmış?

## İş.

- Şiiri uslu seslän okuyunuz.
- O sıraları bulun, angılarında *soba* için, *uşak*, *mılçı* için sölenir.
- Laflarlan «soba, dayan, bakêr» cümlä kurunuz.
- Sonunku strofayı tefterä yazınız.
- İkinci strofayı akıldan yazın. (Kiyatları açın, yannışları doorudun).

*Göz görür.*

## Okumak.

## Aylä.

Bän sekiz yaşındayım. Benim anam hem bobam var. Bir kardaşım hem bir dä kızkardaşım var. Kardaşım, Andruş, bendän üç yaş büük. Bän ona «batü» deerim. Kızkardaşım, Olicik, bendän küçük. O da bana «batü» deer. Yaşêêrız biz anaylan-bobaylan, däduylan hem babuylan. Onnar bizi severlär. Biz dä onnarı severiz hem hatırlêêrız.

Bizim aylemizä küüdä deelär Akbaş. Soyadımız da Kavalcı. Bana deelär Akbaş Radinin Kirucuu.



Biz küüdä yaşêêrız. Var evimiz, aulumuz, dam, çalmar, maaza. Aulda koyulu baa, ekiler türlü eşilliklär. Kapunun önündä var meyva aaçları bir dâ çiçek başçacı. Planın dışında serenni pınar var, suyu tatlı. Aulda inek, bir domuz hem kuşlar var. Köpek Balan varlümüzı koruyêr.

Batü hem bän her gün şkolaya gideriz.

**Laflar:**

hatırlêêrız	seren
çalmar	varlık
eşilliklär	

## Soruşlar:

1. Kirucuk kaç yaşındaymış?
2. Kirucuk kaçınıcı klasta üürener?
3. Kaç kişiymiş onnarın aylesindä?
4. Kim-kim varmış onnarın aylesindä?
5. Onnarda evdä hem aulda nelär varmış?

**Lafıları dooru yazalım:** kızıkardeş, batü, dädu, Akbaş, eşillik, başça, dışında, serenni, pınar, koruyêr.

## İş.

- Annadın siz dä kendi aytiniz için.
- Teksttä punktuatıya nişannarını gösterin.
- Bu annatmaya soruş koyun da onnara yazılı cevaplar evdä yazın.

## Dil.

## Subyekt.

Cümlä nedir? (tekrar).

Bu cümleleri okuyunuz:

- a) *Bän okumaa severim.*
- b) *Usta kapu yapêr.*
- c) *Kuşlar gittilär mi?*
- ç) *Uşak ne büümüş!*

Herbir cümledä, **kimsä**, **nesä**, bir iş-bişey, yapêr (yapmış).

İlk cümledä – **bän** (severim) – *kim?*

İkinci cümledä – **usta** (yapêr) – *kim?*

Üçüncü cümledä — **kuşlar** (gittilär mi) — *ne?*

Dördüncü cümledä — **uşak** (büümüş) — *kim?*

Bu cümleleri kurmak için **kimnerä** hem **nelerä** düşünüriz?

*Cuvap:* bana, ustaya, kuşlara, uşaa.

Cümledä onnar işi yapêrlar, onnar için sölenler, laf gider. Onun için onnara deniler **subyekt** cümledä. Angı soruşlara subyektlär cuvap ederlär?

*Cuvap:* **kim?** yada **ne?**

— Sever *kim?* — bän

— Yapêr *kim?* — ysta.

— Gittilär mi *ne (lär)?* — kuşlar.

— Büümüş *kim?* — uşak.

---

### **Subyekt nedir?**

Cümlelerin o payı (lafı), angısı gösterer *kim?* yada *ne?* yapêr işi, **subyekttir**. Subyekt cuvap eder soruşlara *kim?* *ne?* Subyekt cümlelerin bir payıdır, **baş** payıdır.

---

**Şiir. Okumak, lafetmäk.**

### **Şkolaya.**

*N. Tanasoğlu.*

Kış, olsun,  
derin olsun,  
Daymaca da  
Kaar düşsün,  
Nezaman uşaklara  
Şkolaya gitmää zora,  
Bän hiç korkmêêrim ama,  
Ayazda demäm «aman»!

Nică yazın,  
Kışın da,  
Herzamanım  
Şkolada!

**Lafları dooru yazalım:** düşsün, nezaman, herzaman.

**İş.**

- Şiiri uygun seslän okuyunuz.
- Bu uşaan gırgınniini, havezliini annadın.
- «Nică yazın kışın da,  
Herzamanım şkolada!» – sıraları tefterinizä geçiriniz.



**Subyekt.**

**(Tekrar).**

Bu cümleleri okuyun da söläyin, *kimin* için yada *ne* için sölener cümledä:

- a) Zina diker.
- b) Su akêr.
- c) Kış geler.
- ç) Adam işleer.

Şindi subyektləri söläyin, soruş, koyup.

Söläyin, subyekt nedir?

İş. — Bu lafları, adları, işleri cümledä subyekt olsunnar düşünün: *araba, çocuk, kurbaa, ana*.

Ö r n e k : Araba gider.

— Bu cümlelerä uygun subyektlär koyunuz:

a) .... üzer (kim?);

b) .... uçêr (ne?);

c) .... soluyêr (ne?);

ç) .... aalêêr (kim?).

— Bu cümlelerdä subyektləri bulunuz:

a) Avşamdan karannık çöktü.

b) Üüredärdi onnarı agronom.

c) Bobam kahırlandı.

ç) Beşi uçtuydu örtüdän.

— Teksti okuyun, subyektləri bulunuz.

## Yabanı.

Yazın yabanı tok. O insana hızlanmêêr. Kışın yabanı açlık çeker. O pek zabunnêêr. Suuklar onu zeetleer. Boran koolêêr oradan orayı. Kış hep taa derin olêr. Yabanı imää aarêêr. Kolay ama bulamêêr. Ona canın acıyêr. Ozaman yabanı adama da hızlanêr. Adam korunêr. Tüfek atarsa, yabanı kaçêr. Adam kurtulêr.

— Beş cümlä kurun, angılarında subyektlär *kim?* soruşuna cuvap etsinnär.

— Beş cümlä kurun, angılarında subyektlär *ne?* soruşuna cuvap etsinnär.

Şiir.

## Pek islää!

*N. Tanasoğlu.*

Pek islää, ki dünnedä  
Var kumcaaz hem topracık,  
Pek islää, ki dünnedä  
Var enser hem çekiçik;

Var iplik hem var kürek,  
Var nicä dikmää, kazmaa...  
Koyunuz işä ürek,  
Sevin çalışkan olmaa!



### Laflar:

çekiç — çokan  
çalışkan

### Soruşlar:

1. Bu şiiri kim yazmış?
2. Kumcaaz hem topracık neyä lääzım?
3. İplik neyä lääzım?
4. Kürek neyä lääzım?
5. İşä ürek koymaa neçin lääzım?
6. Poet nicä olsunmuş uşaklar isteer?

**Lafları dooru yazalım:** çekiçik, koyunuz, neyä.

**Nicä annadık:** «Koyunuz işä ürek», «Sevin çalışkan olmaa».

**İş.**

- Şiiri uygun seslän okuyunuz.
  - Laflarlan «kumcaaz, toprack, enser, çekicçik» birär cümlä kurunuz.
  - Laflan «enser» bir soruş cümlesi kurunuz.
  - Laflan «iplik» bir şaşma cümlesi kurunuz.
  - Laflan «kürek» (subyekt) bir cümlä kurunuz.
  - Şiiri aazdan söylemää üüreniniz.
- Onu var kolay rollerä paylaştırmaa, söylemää.

**Dil.**

### **Predikat.**

Cümlelin angı payını üürendik? (Subyekt).

Ne gösterer subyekt? (Kim? ne? işi yapêr, olêr...).

Angı soruşlara cuvap eder subyekt? (Kim? ne?).

Aşadaki cümleleri okuyunuz:

- a) Horoz öter.
- b) Autobus gider.
- c) Otlar büüyêrlär.
- ç) Biz yazdık.

Angı laflar gösterêrlär, ne yapêr subyektlär? (öter, gider, büüyêrlär, yazdık).

Bu laflar angı soruşlara cuvap ederlär? (ne yapêr? ne yaptı?).

Cümlelin o payı (lafı), angısı gösterer *ne yapêr, ne olêr* subyektlän, **predikattır**. Predikat cuvap eder soruşlara *ne yapêr? ne olêr? nedir?*

---



Predikat ta cümlelerin bir baş payıdır.

Predikat herkerä baalı subyektlän.

---

İş.

– Aşaadaki cümlelerdä predikatları bulunuz.

1. Ekmek taazädır (nicedir?)

2. Ekmek pişer (ne yapêr?)

3. Ekmek zenginniktir (nedir?)

Bu cümlelerdä *ekmek* subyektı için nelär sölenir? Anı o (nicedir?) *taazädır*; anı o (ne yapêr? ne olêr?) *pişer*; anı o (nedir?) *zenginniktir*.

Bu predikatları tefterä yazınız, soruşlarınnan barabar parantezdä (...).

---

Predikat cevap eder başka da soruşlara: *kimdir? nedir? nicedir?*

Ö r n e k : Toli (kimdir?) üürenicidir.

Ördek (nedir?) kuştur.

Çorba (nedir?) imektir. O (nicedir?) datlıdır.

– Aşaadaki cümlelerdä subyekleri hem predikatları bulunuz, soruşları koyun, altlarını çiziniz örneklerä görä.

1. Ceviz erä düştü. 4. Suuklar gelecek. 7. Mamu terzidir.

2. Güz geçer. 5. Buçak keskindir.

3. Kış yaklaştı. 6. Laana zarzavattır. Ö r n e k : Ceviz erä düştü.

– Bu subyektlä uygun predikatlar bulun da cümlä kurunuz: top, hava, süt, kiyat, uçakçı, taşçı, kürkcü, Nadi.

Tefterlerä yazın, soruşları koyun, cümlä payların (subyektin hem predikatın) altlarını çiziniz.

– Bu predikatlarlan cümlä kurunuz:

sürer, oynêêr, oturdu, çıktı, meyvadır, üüredicidir.

Tefterlerä yazınız.

— Bu subyektlärlän hem predikatlarlan cümlä kurunuz: çiçek, ev, koptu, açtı, lampa, Vari, sündü, hastadır, iplik, eskiyer, güzelliiktir, küpelär.

Tefterlerä yazınız.

— Teksttä subyektləri hem predikatları bulunuz.

Jirafa hayvandır. O Afrikada yaşêêr. Onun ensesi uzundur. Jirafa ot otlêêr. Jirafa serbest hayvandır. Zooparkında ama o serbestsizdir. Uşaklar ona bakêrlar. Ona cannarı acıyêr.

**Okumak.**

## **Dostluk nedir?**

(Bir kiyattan).

Klasta zanaatlar bittiydi. Uşaklar cıvırlıgalar gibi şamatalı daalışêrlar.

— Hristu, brak çantanı da gel stadiona futbol oynamaa, — deer Görgicik.

— Gidämeyecäm büün. İlkin temalarımı evdä hazırlayım lâázım. Ha, gel sän dä, ikimiz işleyelim, sora oynamaa da çıkırız.

— Sän beni okadar düşünmä. Kendim bilerim, ne yapmaa.

— Ne unuttun mu, ani yaarın, matematikada kontrol işi yazacez?

— Yok bişey. Bän gittim!

Ertesi günü klasta hiç bir ses tä işidilmeer. Üürenicilär bir problema çözerlär.

— Hristu ba, sölesänä bana da, — yalvarêr Görgicik.

— Neresini bilmeersin?

— Ey, neresini... Problemayı çözümeerim...

— Uşaklar, vakıdı kaybetmeyin! — dedi üüredici-hanum, bakarak bu iki çocucaa.

Hristu yazêr ileridooru. Ama canı da Görgicää acıyêr.

Zanaatlar bittiynän, Hristu istedi Görgicää bişey desin, ama o üfkeliydi.

— Tamam! Gördüm bän, nesoy dostsun sän bana!

İkisi dâ evä yollanêrlar. Her biri esaplêêr, ani öbürü kabaatlıdır.

Ye siz, uşaklar, nicä esaplêêrsınız?

### Laflar:

zanaatkär	beni düşünmä
cıvırliga	kontrol işi
temalar	

## Oyun.

Esaplayın, ani siz daavacıysınız. Sizin dâ önünüzdä problema durêr — Görgicik hem Hristu. Onnar isteerlär bilmää, kim kabaatlıymış.

Siz onnara soruş koyun. Savaşın doorusunu açıklamaa.

Bir fikirä geliniz. Cuvabı onnara söläyiniz.

### İş.

- Teksti rollarca okuyun (üç parça).
- Her bir parçanın baş fikirini (ideyasını) söläyiniz:
  1. Görgicik seslâmemiş Hristunun akıl vermesini.
  2. Görgicik problemayı cözâmeer, yardım Hristudan isteer.
  3. Görgicik Hristuya üfkeli olêr. Onu kabaatlı bulêr.

– Bu fikirleri tefterlerä yazınız.

– Dostluk nedir? Düşününüz:

Hristu läázım mı Görgicäa problemayı göstereyin? Neçin?

**Soruş:** a) Görgicik kimi dost sayêr?

b) Hristu dostluu nicä annêr?

Siz kiminnän kayılsınız?

**İş.** Siz dä bir kısa annatma düşünün dostluk için.

**İş.** Annatmanın ilk parçasında subyektləri hem predikatları bulunuz.

### *Kontrol denemesi (iş)*

#### **1. Diktant**

Hava , ama kaazlar suya hep .  suuklara dayanêrlar. Onnar islää kuşlardır. Kaazlar fayda getirerlär.

2. Näända yok punktuatıya nışannarı, koyunuz.

Uşaklar evä geldilär ☐.

– Mamu, ne yapêrsın ☐. Ne isläädir, ani çirka gidecez ☐.

– Ama uslu durasınız orada ☐.

3. Verili laflarlan «Andruş», «Çamcaz», «iyärdik» birär cümlä kurunuz.

4. Dostluk için bir söyleyiş söläyiniz.

**Unutmayın!**

Yazmaa bitirdiynän işi, genä açığöz okuyasınız. Kendiniz doorudun. Bu **autokontroldur**.

İşi kontroldan kabul ettiynän, yannışları dooru yazınız.

Doorudulmuş laflarlan cümlä kurunuz.

## Şiir.

### Tertiplik.

*N. Arabac*

Paklık sevärsä bir uşak.	Tertip sevärsä bir uşak,
Üstü-başı temiz, parlak,	Kiyat, yazal, tarak, kuşak,
Yıkanmadık o hiç gezmäz,	Her oyuncak, enser, aşık
Kulaa, tırnaa kir hiç bilmäz!	Duramaz karma-karışık.

Herşey bilir sıra hem er —  
Her ii uşak tertip sever.

#### Laflar:

tertup
temiz
parlak

#### Soruşlar:

1. Bu şiiri kim yazmış?
2. Kimin için ne söyleer poet?
3. Nezaman «herşey bilir sıra hem er»?
4. Siz dâ nicä lââzım olasınız? Ne sevâsiniz?

Şiiri aazdan söylemää öğreniniz.

Klasınızda kim tertiplii sevmeer?

**Lafları dooru yazalım:** üstü-başı, temiz, yıkanmadık, aşık, karma-karışık, herşey.

**İş.**

– Şiiri uygun seslän okuyunuz.

– Laflarlan «tertip», «temiz», «parlak» birär cümlä kurunuz: ilkin onnar subyekt olsunnar, sora da predikat olsunnar. (Unutmayın predikatlık için eklemää «-tir, -dir, -tır»).

– Laflan «aşık» bir annatma (narativ) cümlesi kurunuz.

– Laflan «tertiptir» bir şaşma cümlesi kurunuz.

– Laflan «tertip» bir soruş cümlesi kurunuz. (Unutmayın «mi» lafçaazı eklemää).

**Unutmayın!**

*Temizlik saalun anasıdır.*

**Temizlik.**

*N. Arabacı.*

Dozdolay süpür,  
Kalmasın gübür.

Pak olsun senin  
Diil sade evin,  
Ya biyaz tenin,  
Ama her neetin.

Brakarsan bir iz –  
Bak, olsun temiz.

«İz temiz olzun» – maanası nedir?

## **İlk kaar.**

Dün taa güz havasıydı. Büün-sabaa gök örtülü, boz durêr. Birdä, siirek-siirek, enikunu yukardan aşıadooru biyaz kaarcazlar başladı uçuşmaa. Biz bakêrız sevineräk: İlk kaar! İlk kaar! — Daardım dän pençereda.

Kaarcazlar hep taa sık hem iyricä düşerlär. Savaşêrlar kara erleri örtmää. Bulutlar ama alatlamêêrlar. Hep sepelerlär, nicä yazın pamayaklar uçuşêrlar.

Ama tä, gittikçä taa çok, hava bütününä biyazıyêr. Kaar sırası taa hızlı yaayêr, lüzgercik tä onnarı kınaş haydêêr. Biyazlan örtüldü kara erlär, örtülär. Aaçlar da donandı nicä kışın.

Yaayêr, hiç needi yok durgunsun. Allele, kış geldi! Ne islää!

### **Laflar:**

uçuşmaa  
sepeleerlär  
pamayaklar  
allele

### **Soruşlar:**

1. Kim bakarmış pençeredän havaya?
2. Ne düşünärmış o?
3. Birdä, ne esap alêr?
4. «İlk kaar» nicä yaayarmış?
5. Kaar yaamsı nicä pekleşärmış?
6. Neyä sevinmiş uşaklar? Neçin?



**Lafıları dooru yazalım:** hava, birdä, siirek-siirek, aşadooru, yaayêr, allele.

**İş.**

- Teksti uyugun seslän, läüzım hızlıkları okuyunuz.
- Annatmayı paylara bölün. Payların adlarını koyunuz.
- Teksti üç kişi birär bölüm okusun.
- Kış gelmesinä baalı duygularınızı annadın. Puntuatıya nişanını söyleyiniz.
- Annatmanın üçüncü bölümünü tefterinizä çıkarın. Sub-yektleri, predikatları bulunuz.

– «İlk kaarı» resimnemää olur mu?

**Deneyiniz.**

- Kiyatsız annatmaa «İlk kaarı» deneyiniz.

**Kontrol.**

## **Paalamak testi – 1.**

(İlk yarıyıl için).

**Açıklamak.**

Aşaada 10 soruş var. Her soruşun da altında dört ayırı cuvap verili. Onnarın sade birisi doorudur. Bulduunuz dooru cuvapı tefterlerä yazacınız.

**Ö r n e k :** «Dimu masal kiyatlarını çok sever»:

a) şiir, b) annatma, c) masal, ç) fıkra.

Doorü cuvaptır-burada «masal» lafı. Bu lafı tefterinizä yazacınız.



## Soruşlar:

- 1 – Aşaadadı adlardan angısı dooru yazılıdır?  
a) marina, b) sanda, c) Nasti, ç)görgi.
- 2 – Aşaadadı laflardan angısı yannış yazılıdır?  
a) köprü, b) yuzüm, c) alma, ç)çatı.
- 3 – Aşaadadı laflardan angısı dooru yazılıdır?  
a) torpak, b) çanak, c) bırda, ç) kapruz.
- 4 – Aşaadadı laflardan alfabetä görä angı lafı ilkin yazacenz?  
a) saat, b) nacak, c) bakır, ç) demir.
- 5 – Aşaadadı laflara angı soruşları koyacenz?  
a) ekmek, b) yolcu, c) peri, ç) kelebek.
- 6 – Aşaadadı cümlelerdän angısının sonuna soruş nişanını koyacenz?  
a) Tasi gitti.  
b) Galiya gider.  
c) Sava gitmeyecek.  
ç) Kosti gidecek mi.
- 7 – Aşaadadı cümlelerdän angısında laf «çanta» subyekttir?  
a) Grigoricää çanta aldılar.  
b) Çanta asılıdır.  
c) Vasidä çanta yok.  
ç) Siz çantayı kaçā aldınız?
- 8 – «Ana dilim» şiiri kim yazmış?  
(«Ana dilim tatlı bal...»).

a) S. Kuroglu, b) N. Baboglu, c) D. Tanasoğlu, ç) D. Kara Çoban.

9 — «Yangın» deyärkän, aklımıza «ateş» geler, «yazal» deyärkän aklımıza aşadakilardan angısı gelir?

a) bulut, b) soba, c) yazı, ç) böcek.

10 — Aşadaki cümlelerdän angısında yannışlık var?

a) adam yaşamayı sever.

b) Köpek yaanı beener.

c) Bobam Çadıra gitti.

ç) Aylemiz kliseyâ gezer.

### Dedelär.

Benim dädüm çok yıl üüredici olmuş. Şindi o dinnener. Her avşam o bana birär gözäl masal annadêr.

Bu avşam ama bän ona sordum:

— Dädu ba, bän isteerim bileyim, kimmiş bizim dedelerimiz?

— Bizim, gagauzların, istoriyası uzundur, cocuum.


— Ama kimmiş bizim dedelerimiz?

— Gagauzların istoriyası çekeder oguz senselesindän.

— Ye, kimmiş o **oğuz** senselesi ya?

— Seslä! **Oğuzlar** pek eski bir **senseleymişlär**. Onnar uslu hem işleyän bir **senseleymişlär**. Hem pek girginmişlär, duşmannara verilmäzmişlär. Dili hem adetleri koruyarmışlar.

Onnar yaşamışlar pek çoktan, ama uzak artık buradan. Onnarın yurtluu Altay erindeymiş. Sora yaşamışlar Orta Asyada. Taa da sora geçmişlär bu erlerä yakın.



Onnarın zanaatları — hayvancılıkmış. Er altından da çıkararmışlar demir, altın hem gümüş. Onnardan yaparmışlar kılıç, mızrak, gerdan, küpâ, blezik, başka da donaklar. Taa da sora çiftçilää dä geçmişlär, hristian da olmuşlar.

Bu oğuzlardan çekileriz biz gagauzlar (gagoğuzlar). Adımız da bunu gösterer.

Şindi yaşêêrız Bucak topraanda. Ama oğuz dedelerimizi unutmêêrız.

**Biz multluyuz, ani oğuz senselesiyiz!**

### **Laflar:**

dedelär	Altay
istoriya	Orta Asya
oğuz	mızrak
senselä – halk	gerdan
adetlär	mutluyuz
yurtluk – ana topra	

### **Soruşlar:**

1. Gagauzların dedeleri kimmiş?
2. Oğuzlar kimmiş?
3. Nesoy insannarmış onnar?
4. Nānda yaşamış oğuzlar çoktan?
5. Oğuz dedelerin ne zanaatları varmış?
6. Biz neçin mutluyuz?

**Lafları dooru yazalım:** oğuz, yurtluk, mızrak, mutlu, dādu, avşam, dedelerimiz, istoriya, koruyarmışlar, zanaat, blezik, hris-tian.

### **İş.**

- Okuyarak durgunun zor laflarda.
- Soruşlara görä dedelär için annadınız.
- Laflarlan «Oğuzlar, uslu, girgin, senselä, zanaat» birär cümlä kurunuz.
- Dedelär için biribirinizä soruş koyunuz. Kimi cuvapları tefterinizä yazınız.

## Kaar-Peri.

*Hans Kristian Andersen.*

Pençerä gözlerindä sansın yalabık gümüş çiçekleri çizilärdilär.

— O biyaz kuvannar uvullaşmaa başladılar! — dedi mali.

— Onnarın padişaa-hanumu da mı var? — sordu çocuk.

— Elbet, var. Gecä o yollanêr sokaklara da pençerelerdän içerlerä bakêr. Ozaman pençerelär donêrlar.

— Kaar-Perisi bizä dä mi geler? — sorêr kızçaz.

— Okadar ona lâzım, gelsin, — dedi çocuk, — koyacam onu soba üstünä da birdän eriyecek!

Avşamneyin, yatmaktan ileri, çocuk yaklaştı pençereyâ. Kaar yaayardı. Bir büyük kaarcaz, en büyüü, durgundu. O büyüü, büyüü taa olunca bir kız biyaz fistannan dokunmuş sansın binnän hem binnän kaarcazlardan. O kız pek gözäldi, ama buzdandı. Salladı başını hem elinnän bir nişan yaptı.

Çocuk korktu... «Kimdi» sanki o kız?..

*Kış geldi, kar çok.*

### Laflar:

Kaar-Peri

gümüş çiçekleri

uvul — kuan sürüsü, aylesi

mali — büyük-mamu

padişaa-hanumu

**Lafları dooru yazalım:** Kaar-Peri, uvul, uvullaşmaa, padişaa-hanum, elbet, kızçaz, koyacam, eriyecek, avşamneyin, yaayardı, en büyüü.

### **Bu masalda nelär aslı var?**

- a) Kışın kaarcazlar yaayêr.
- b) Kaarcazlar nicä biyaz kuvannardı.
- c) Bir kaarcaz kız olmuş.
- ç) O kaarcaz Kaar-Perisiymiş.

### **Soruşlar:**

- 1. Neyä benzeşer kaarcazlar?
- 2. Kaarcazların padişaa-hanumu kimmiş.
- 3. Ne annatmış mali Kaar-Perisi için?
- 4. Çocucak pençeredä kimi görmüş?

**İş.** — Tekstin ilk payını rollarca okuyunuz.

— «yalabık gümüş çiçekleri», «biyaz kuvannar gibi» laf birleşmelerinnän birär cümlä kurunuz.

— Masalı annadın kendiniz.

— Tekstin parçasını, nända Kaar-Perisi peyda olêr, tefterinizä geçiriniz.

### **Lafetmäk. Şiir.**

### **Yortular.**

#### **Kolada.**

Bu bir büyük yortu hem adettir gagauzlarda. O annadêr, ani çoktan çoktan o günnerdä Isus Hristos duumuş. O zamandan insan bu yortuyu her yıl tutêr — Kolada, Krêçun yortusunu hem adetleri yapêr. Uşaklar kolada gezerlär. Pençereyâ dizilip çalêrlar:

Kalkın, kalkın, insannar,  
Biyaz çiçeklär!

Koladacılar gelär,  
Biyaz çiçeklär!  
Avşamdan onnar gelär,  
Biyaz çiçeklär!  
Horozlar taa ötmedän,  
Biyaz çiçeklär!  
Fenalık getirmerlär,  
Biyaz çiçeklär!  
Allahı getirerlär,  
Biyaz çiçeklär!  
— Bulü, verin bir gümüşlän  
bir kolaç!

Deerlär, ani Kolada avşamı evlerä gelärmış Krêçun-dädusu. Uşaklara o getirärmış türlü tatlı baaşıslär, oyuncaklar. Onnar uyuyarkan koyarmış baaşısları yastık altına. Sabaylan uşaklar bulêrlar da pek sevinerlär.

Bu yortuyu hem Krêçun-dädusunu uşaklar büyük sevinmeklän bekleerlär.

Analar-bobalar içerdä Kolada çamcazını koyup donadêrlar.

**Laflar:**

adatlär  
kolada  
Krêçun-dädu

**Demek:** «Biyaz çiçeklär» — biyaz kaarcazlar.

Yortu için, adatlär için annadın, okuyun, şiir üürenin hem söyleyin.

**Soruşlar:**

1. Nicä sölenir, ani Krêçun-dädu gelärmış?
2. Uşaklar onu nicä beklerlär? Neçin?

3. Krêçun-dädusu nändan gelärmış?

4. Uşaklar nicä lazım kullansınnar kendilerini, ki kablet-sinnär Krêçun-dädunun baaşışlerini?

**İş.**

— Kolada şiirini uyugun seslän okuyunuz.

— Krêçun-dädusunun gelmesini sçenacık gösteriniz.

— Tefterlerä Krêçun-dädusunun laflarını yazın: «Avşam hayır olsun, uşaklar! Ana-bobaları seslediniz mi?

Şkolada islä ürendiniz mi? Ozaman baaşışleri kablediniz bendän!»

**Lafetmäk. Okumak. Şiir.**

**Yortular.**

**Eni Yıl — Traka-hêy, hêy!**

**Çıbık günü — Survaki.**

**Hêy, hêy!**

Traka, traka evinä,  
Bu avşam geldik sizä,  
Sevinmek getirelim,  
Gözäl laflan söyleyelim:  
Saalık olsun hepisinä,  
Hem senin dä evinä!  
Şindi baarın, uşaklar,  
Gümbürdesin dolaylar!  
Hêy, hêy!





## Survaki.

Survaki kraa tutmuş,  
Survaki şen olmuş!  
Eni Yıl! Biz kutlêrız!  
Çok ömür hem isteeriz!

Kavi olun meşä gibi,  
Çiçek açın alma gibi!  
Buyıla hem ileriyä,  
Çok hem çok ta yıllara!


**Okumak.**

## **Kanikulda.**

Geçti Kolada. Geçti Eni Yıl. Gözâl yortular. Biz kanikulda bulunduk. Yortularda çok gözâl adetlär geçirdik. Kolada gezdik. Traka-hêy hêy gezdik. İnsan bizä kolaç hem gümüş verdi...

Kiyat ta okuduk, kinoya gittik. Televizorda türlü multilär baktık...

Dädum sölärdi, ani o da küçükkän Kolada hem Traka gezärmış. Nicä dä biz. Kışlar ama taa derin olarmışlar. Çok kaar yaayarmış. Onnar ama sevinärmışlär. Biz dä pek sevindik. Bizim insan pek tutêr bu adetleri. Eni Yıl günü sabaylan Yıldızlan gezdik. Taa küçüklär Çıbık-survaki gezdilär. Sora şkolaya Çamcaaza geldik. O pek gözâl donaklıydı. Ayaz-Boba çok baasışlâz getir-miştı. Biz türkü çaldık, şiir söledik, oynadık.



Ayaz-Boba hem Ayaz-Kızçaaz bizä baaşışleri verdilär. Biz şükür ettik. Dedik gelsinnär her yıl bizä. Onnar, — gelecez, — dedilär.

Her gün biz dışarda da oynadık. Kaardan adam yaptık. Kızaklan çekindik.

Kanikulda pek isläädi!

### Laflar:


kanikul	adettlär	multi
derin kış	Yıldız	Çıbık- survaki
donaklı	Ayaz-Bola	Ayaz-Kızçaaz
Çamcaaz		
intonatıya		

### Soruşlar:

1. Neçin kanikulda isläädi?
2. Nelär yaptınız kanikulda?
3. İhtiarlar nelär annadardılar?
4. Siz kanikulu nicä geçirdiniz?

### İş. Sınış.

- Kanikul için iki cümlä yazınız.
- Laflarda: *Kolada. Ayaz-Boba, Ayaz-Kızçaaz.* — vokalları gösteriniz.
- Laflarlan: *kızak, Çamcaaz, kaar* — birär cümlä kurunuz.
- Kurduunuz cümleleri **laflara** payediniz, lafları **kısımnara**, kısımnarı **seslerä** payediniz.
- **Laflara:** *geçtim yortular, sevindik, türkü; sölärdi, donaklıydu, yaayarmış, isläädi; skola, kanikul, dädu, televizor — urguları* koyunuz.
- Okuduunuz teksttä bulunan **kendili adları** tefterinizä yazınız.



— «Kanikulda» teksti açık, baalantılı hem intonaşiyalı okumaa sınaşınız.

— Ayaz-Boba niceymiş? Ayaz-Kızçaaz niceymiş? Onnarı resim edirsiniz mi? Denäyiniz.

**Lafлары dooru yazalım:** Eni Yıl, yortu, adetlär, kiyat, kinoya, multilär, sölärdi, küçükkän, derin, kaar, yaayarmış, sevinmäa, sabaylan, yıldız, çıbık, baaşışleri, ettik, her, onnar, dışarda, ihtiar, kurduunuz, okuduunuz, payediniz, payettik, resim etmäa.

**Gözäl gagauzçamızı dooru hem sevgili lafediniz!  
O bizim diri canımızdır!**

**Dil.**

**Cümlä.**

**(Tekrar).**

— Birkaç obyekt düşünüp söläyiniz. (Kuş, odun, soba, şkola, üürenici, tabla...). «Üürenici» obyektinä düşününüz da onun için bişey söläyiniz.

«Tabla» obyektı için düşününüz da onun için ne bilersiniz (birkaç fikir) söyləyiniz. Başka obyektlər için də türlü uyğun fikirlər söyləyiniz.

Sölediniz mi? O obyektlər için ne sölediniz? (informatiya sölediniz, lafetmək sölediniz).

**O informatiyalara, lafetmələrə nicə denilər? (Cümlə).**

– Kaçar cümlə sölediniz? Sayınız.

Cümleleri: *Üürenici okuyêr. Üürenici şkolaya geler.* – yazalım. Okuyunuz. Bunnar nedir? (Birər cümlədir).

– Neçin onnar cümlədir? (Birər bitmiş fikir göstererlər.) Birər informatiya vererlər, lafetmək yapêrlar *üürenici* için.

– Ne sölenêr *üürenici* için? ...ani *okuyêr* ...ani şkolaya *geler*.

– Bu cümleleri söylemää deyni siz ne yaptınız? (*düşündük birər fikir*). Bunun için *cümlə* nedir? (bir fikirdir). Nesoy fikirdir? (bir bitmiş, tamam fikirdir).

– Ye deyärsäk: *üürenici şkolaya...*? Bu fikir tamam mı? Cümlä olur mu? (Olamaz).

**Kural: Cümlä – o bir tamam fikirdir.**

– Fikiri ilkin ne yaptınız? (*Düşündük*).

– Sora fikiri ne yaptınız? (Söledik aazdan).

– Sora o fikiri ne yaptık? (Tablaya yazdık).

Cümlä için ne var nicə söylemää?

**Kural: Cümlä – o bir söylenän yada yazılı tamam fikirdir. (Informatiya, haber, lafetmək).**

– «Tabla» için də birkaç cümlä (fikir) düşünelim, söyleyelim, yazalım:

1. *Tabla karadır.*

2. *Tabla duvarda asılı.*

– Bu cümlelär için dâ hep yukardakı soruşlara görâ annadınız.  
Neçin bunnar da cümlädir? Ne...?

– **Cümlä için kuralı tefterinizä yazınız.**

### **Toplatmak.**

– Ne dedik, ani cümläymiş?

**Akılınızda tutunuz: Bir sölenän yada yazılı tamam fikirä cümlä deniler.**

– Bu kuralı söläyiniz çok kerä.

Butakım:

– Nicä deniler bir sölenän tamam fikirä?

– Nicä deniler bir yazılı tamam fikirä?

### **Sınış.**


– «Yazal» için, «Tefter» için, «hava» için, «kış» için, «dilimiz» için ikişär tamam fikir (haber) – cümlä düşününüz, söläyiniz.

– Beegir için düşününüz da cümlä onun için söläyiniz.

– Tefterinizdä dördär cümlä «mamu» için yazınız. (Nicä işleyeceniz: düşüneceniz, söyleyeceniz, sora yazacınız).

– Tefterinizdä dördär cümlä «boba» için («baka») için yazınız.

**Cümlenin payları var. Angılarıdır onnar?**



**Subyekt hem predikat — cümlelerin baş paylarıdır.**

*Çiçek açmış. Todur yazêr. Beygir hayvandır. Yumurta biyaz.*

Bu cümlelerin subyektlerini hem predikatlarını gösteriniz, sora tefterinizä onnarı yazınız, baş paylarının altını çiziniz. (Nicä üürendiniz).

— Baş paylar biri-birinä baalı mı? Neçin? (zerä...).

**Cümlä baş paylarından kurulêr.**

## Okumak. Annatmak.

### Tekst için.

#### Kışın.

Bizdä kış dekabri ayında geler. Kış vakıdı dekabri, yanvar hem fevral aylarını tutêr.

Kışın günnär kısadır; gecelär, ama pek uzundur.

Gök çok kerä sık hem tunuk bulutlarlan örtüler. Onnar örterlän hem durgudêrlar günün şafkını hem sıcaanı. Kaar sık yaayêr da topraa örter. Ayaz suları dondurêr. Poyraz lüzgeri kaarlari bireri toplêêr da kürtün yivêr onnarı.

Kırda işlär durgunêr. Sade kasabada iş ileri gider, ama zorca. İnsan taa çok içerdä durêr. Onnar ev, içêr işlerini yapârlar. Dernek tä oturêrlar. Fukaara insannara kışın taa da zor. Onnara yardım vermää lââzın, kuvedimizä görä. O büük günahdır zorda insannara, uşaklara düşünmemää.

#### Laflar:

tunuk
poyraz lüzgeri
kürtün
dernek oturmaa
günah

**Lafları dooru yazalım:** ayında, vakıdı, günnär, şafk, sıcaanı, yivêr, zorca, fukaara, kuvedimizä, günah.

#### Soruşlar:

1. Yılın ne zamanında bulunêrız?
2. Kış ne zamandan başladı?



3. Taa nekadar o tutacektır?
4. Düşününüz, yazın günnär hem gecelär niceydilär? Ye şindi **nicedirlär**?
5. Kışın yukardan ne düşer? (Yaayêr?)
6. Kaar neredän düşer?
7. Lüzgär kışın nicä eser? Taa çok angızı eser?
8. Kaar yıvınnarına nicä deeriz?
9. Kırdä şindi kim işleer? Neçin iş durgundu? İnsan şindi taa çok näända durêr? Ne yapêr?
10. Kışın angı insannar, uşaklar taa zor yaşêêrlar? Biz ne lâázım yapalım?

### **İş. Sınış.**

- Bu annatma nelerdän düzülüdür? (Cümlelerdän).

**Bölä yazılara, annatmalara tekst deniler.**

- **Herbir tekstin payları var.** Bu tekstin paylarını bakalım:

**Adı:** «Kışın»

**İlk payı:** kışın ayları.

**İkinci payı:** günnär hem gecelär kışın.

**Üçüncü payı:** gök hem hava kışın.

**Dördüncü payı:** kışın insan ne yapêr?

**Beşinci payı:** fukaaraların yaşaması kışın.

- İş. –** Bu praylara görä «Kışın» tekstini annadınız.

- Kiyatta teksti okuyunuz pay-pay. Sora teksti bütüncä okuyunuz.

## **Düşüncüm, annadalım.**

– Ne okudunuz бүүн? Tekstin başında ne için söylendi? Kış ayları angılarıdır? Günnär kışın nicedir? Bunnardan başka, teksttä nelär için taa yazılıdır?

Ye fukaara uşaklar kışın nicä yaşêrlar? Neçin? Siz nicä var kolay onnara yardım edäsiniz?

– Aşaadaki šiircikleri okuyunuz, annayınız, üüreniniz.

Kim fukaaraya yardım eder,  
O Allaaya verer.

\*\*\*

Kaar yaayêr, kaar yayêr,  
Hepsini Ayaz basêr.  
Fukaaraya zor olêr...

Allaa «seni üüreder,  
İilik sän yapasın deer!

– Akılınıza getiriniz: kiminiz tanıdı da yardım fukaaraya etti? Nicä?

– Kışın taa nelär zor çekerlär? (Kuşçaazlar?) Siz kuşçaazlara nicä yaradım edersiniz?

– Evdä dä annatma tekstini «Kışın» çok kerä okuyunuz, ki gözäl onu okumaa sınaşasınız.

**Dil.**

## **Subyekt hem predikat.**

(Tekrar).

Cümlä için akılınıza getiriniz. O ne gösterer?  
Siz dä birkaç tamam fikir düşününüz.

*Guguş* için bir cümlä şölayiniz.

Neyä düşündünüz bu cümleyi kurmaa deyni?

Cümledä o laf («guguş») nedir? (Subyekttir). Ye subyekt cümlelerin angı payıdır? (Baş payıdır).

Cümledä taa angı baş payı vardır? (Predikat).

Predikat ne gösterer subyekt için? (Nedir, nicedir, ne yapêr).

*Guguş* nedir? *Guguş kuştur*.

Predikat «kuştur» ne gösterer? (Nedir subyekt).

Cümledä: «*Guguş yavaşır*», predikat «yavaşır» ne gösterer? (Nicedir subyekt).

Cümledä: «*Guguş uçêr*» predikat ne gösterer? (Ne yapêr subyekt).

— Akılınıza getirdiniz mi, angı soruşlara cuvap eder predikat. ( *Nedir? Nicedir? Ne yapêr?* )

Ye subyekt insan sa? (Soruşa *kim?*). Kalanı? (Ne?).

«*Usta*» subyekt için birkaç cümlä kurunuz. Subyektin hem predikatın soruşlarını şölayiniz hem altlarını çiziniz.

— Predikatlara başka da subyektlär bulunuz (*kim?* soruşuna) da cümlä onnarlan tefterinizä yazınız.

— Subyekt *nedir*, subyekt *niceydir*, subyekt *ne yapêr*, predikatlär gösterän bulunuz da cümlä kurunuz.

Bu predikatlara angı subyektləri aldınız? Predikatları bulmak için nelerä, ya kimnerä düşündünüz? Herbir subyektä angı soruşu koydunuz?

— Cümleleri okuyunuz:

a. *Ayı* hayvandır.

b. *O* kaavidir.

c. *Ökü*z otlêêr.

- ç. *Taliga* eni.
- d. *Tekerlek* tombarlak.
- e. *O* kırıldı.
- f. *Bân* çocukum.
- g. *Sân* akıllıysın.
- h. *Biz* gagauzuz.
- j. *Dilimiz* gözâldir.

- Bunnar nedir?
- Neçin onnar cümlâdir?
- Nesoy fikirlär göstererlär? (Haber, informațiya?)
- Subyektləri hem predikatları gösteriniz. Onnara uygun soruşları koyunuz.

– Bu cümlelär angı paylardan kuruludur? Baş paylar biri-birinä nicä baalıdır? (Kim? ne? işi yapêr, nedir hem niçeydir, gösterer predikatlar hem subyektlär biri-biri için).

– Herbir cümledä *kim? ne?* için sölenir, informațiya, haber veriler? (Subyekt için); *Kim* çocukmuş? *Kim* akıllıymış? *Kim* gagauzmuş? *Ne* hayvanmış? *Ne* kaaviymış? *Ne* otlarmış? *Ne* eniymış? *Ne* tombarlakmış? *Ne* kırılmış? *Ne* gözâlmış? (Ayı, o, öküz, taliga, tekerlek, bân, sân, biz, dilimiz – bu cümlelerdä hepsi **subyekttir**).

– Herbir cümledä subyektlär için nelär sölenir (nedir, nicedir, ne yaparmış) – hepsi **predikattır**.

**Kural:** Cümlä payı, angısı gösterer *kim, ne* için sölenir bişey da soruşa *kim? ya da ne?* cevap eder, **subyekttir**.

**Kural:** Cümlä payı, angısı gösterer **subyekt** için nelär sölenir – **predikattır**. (ne yapêr? Nedir? Ne eder? Nicedir?).  
Predikat subyektä baalıdır, onu tamanmêêr.

## Predikatlar var gösterän:

a) Subyekt (obyekt) *nedir*:

«Alma meyvadır».

«Cümlä bir haberdir».

«Şkola bir yapıdır».

«Kaku üüredicidir».

b) Subyekt (obyekt) *nicedir*:

«Miticik çalışkanadır».

«Kiyadım paktır».

«Kömür karadır».

c) Subyekt (obyekt) ne yapêr, ne yapmış, ne yapacak:

«Kaar yaayêr».

«Garga kondu».

«Uşaklar toplanacak».

Cümleleri okuyunuz, predikatlara soruşları koyunuz.

Cümlenin başlantısında büyük litera yazmaa unutmayınız, sonuna da nokta (.) koymaa.

İş. — Subyekt ne yapêr (eder) gösterän dört cümlä tefterinizä yazınız. (Soruşlara: ne yapêr? (ne eder?), ne yaptı? (ne etti?), ne yapacak? (ne edecek).

— Subyekt nedir gösterän dört cümlä tefterinizä yazınız.

— Subyekt nicedir gösterän dört cümlä tefterinizä yazınız.

— Kim? ne?: oynêêr, okuyêr, aalêêr, durdu, açacek, yaştı, ilindir, acıdır, hayvandır, aaçtır yazınız.

— «Köpek» hayvanı için bir tekst (annatma) beş cümledän yazınız.

— «Kedi» hayvanı için beş cümleli bir tekst (onnatma) yazınız.

— «Dondu» predikatlan beş cümlä kurunuz.

— Aşaadaki teksttä cümleleri ayırınız. Subyektləri hem predikatları soruşların yardımınnan bulunuz.

Bizim üüredici-bey üüreder. Biz sesleeriz. O isläädir. Üürediçimiz yazêr hem okuyêr. O bizi sever. Haylazlar oynêêrlar. Onnar üürenmeerlär. Biz üüreneriz. Vasi yazêr. Bän okuyêrım. Biz üüreniciyiz.

**Şiir.**

**Kış.**

*T. Zanet.*

Bacadan kalkêr tütün,  
Herersi kaba kürtün;  
Sarılı çıplak dallar,  
Örtülü boz bayırlar.

Kim kayêr bu bayırdan?  
Kaar fırlêêr her taraftan?!  
Dolaylar öter sestän,  
Kızaklar uçêr erdän!

**Laflar:**

kürtün  
sarılı çıplak dallar

dolaylar öter  
kızaklar uçêr

## Garganın masalı.

### Halk masalı.

Bir vakıtlar varmış, bir bakıtlar yokmuş varmış bir tamah garga.

Bir kerä onun bacaana bir büük çalı batmış. Savaşmış çıkar-maa, çıkaramamış. Uçmuş garga bir küüyä bir babuya.

— Babu, çıkar benim bacaamdan çalıyı.

Babu çalıyı çıkarmış.

Çarga:

Çalıyı sana brakêrım. Bir yıldan sora gelecän da alacan onu.

Bir yıldan sora:

— Babu, ver çalıımı.

— Of, yok çalı. Kış suuk oldu, fırını yaktım, ekmek pişirdim...

— Ozaman ver somunu!

Alêr garga somunu da uçêr başka küüyä.

Girer o bir babuya.

— Babu, tut benim somunumu. Bir yıldan sora gelecäm.

Bir yıldan sora.

— Babu, ver somunu.

— Of, somumu dana idi.

— Ver danayı.

Danayı garga brakêr başka bir babuya.

Bir yıldan sora.

— Babu, ver danamı.

— Of, o büüdü, öküz oldu.

— Ver öküzü.

Öküzü garga brakêr hep bir babuya.

Bir yıldan sora.

- Babu, ver öküzü.
- Of, onu kestik çocuumuzun düünündä.
- Ver gelini!

Gelini garga daalara götürmüş. Kendisi bir aaca konmuş da çalêr:

Çalıy verdim,  
Somunu aldım;  
Somunu verdim,  
Oküzü aldım;  
Oküzü verdim,  
Gelini aldım.

Birdä, iki avcı gelir, gargaya tüfek atêr, gelini dä kurtarêr...  
Masal da biter.

#### **Laflar:**

tamah  
çalı  
somon  
dana  
garga

**Lafları dooru yazalım:** tamah, çıkarmaa, ucêr, yıl, gelecâm, danayı, öküz, çalıy, avcı, kurtarêr.

#### **Soruşlar:**

1. «Kış» şiirdir. Kim onu yazmış?
2. Tütün näädan çıkarmış?
3. Kaar nerelerä yaamış?



4. Uşaklar ne yapmışlar kışın?
5. Angı zaman için bu şiir annadêr?
6. Kış ne sevinmeklär getirer?
7. Nelär söleer poet kaar için?
8. Ye uşaklar için?

İş. Şiiri üüreniniz aazdan sölemää.

İş. Okuyarak pauzaları kollayınız.

İş. Kış için siz dä annadınız.

Şiirlerin herbir sıracına **stih** deniler. Bu şiirin sekiz **stih**i var. Her dört stih bir **strofa** düzer.

Şiir yazan kişilerä **poet** deniler.

Şiirin her stih büyük literaylan başlanêr.

Şiirdä poetik laflar var: *çıplak dallar; dolaylar öter; kızaklar uçêr.*

### **Düşünelim, annadalım, yazalım**

1. Birinci klastan bilän şiirleri okılınıza getiriniz; söläyiniz.
2. «Kış» şiirinin ilk strofasını tefterinizä yazınız.
3. Birkaç poetic laf «söläyiniz».

Ö r n e k : gün güler; bulut aalêêr; demir kuş...

**Söleyışlär.** *Damna, damna göl olur.*

*Saalık temizliktän başlêêr.*

İş. Masalı okuyup annadınız.  
Şiiri öğreniniz.

Dil.

### Adlık.

Obyekt adları. İnsan adları.

Dilimizde çok güzel laflar var. Onnar göstererler obyektlarin, nişanannarin, işlemnerin, sayıların hem başka işlerin **adını**.

Deyecez, var laflar, angıları göstererler türlü **obyektlerin adlarını**: *ev, kır, oyuncak, etmek, çay, süt, kuş, bülbül, saksan, ot, taş, şiir, masal, fikir, kahır, kismet* h.b.

Bölä laflar (adlar) angı soruşa cuvap ederler? (ne?)

Var laflar, angıları **insan adlarını, insan zanaatçıların adlarını** göstererler: *Miti, Soni, Aydına, Todur, Maria, mamu, ana, boba, nuna, kaku, kardaş, üüredici, üürenici, çocuk, kız, doktor, çoban, usta, pilot, yazıcı* h.b.

Bölä laflar (adlar) angı soruşa cuvap ederler? (kim?)

1. *Ne* adlardır *ev, kır, oyuncak, kuş, ördek, fikir, şiir, gök, kırlangaç, yabanı, tavşan...*? (Cansız hem canlı obyektlar adlarıdır).
2. *Kimin* adlarıdır *Miti, Soni, Aydına, çocuk, kız, doktor, çoban, satıcı, usta, işçi...*? (insan adlarıdır).

Aklınızda tutunuz: *abyekt* hem *insan* gösterän adlara **adlık** deniler.

1. Obyekt hem insan gösterän adlara nicä deniler?
2. **Adlık** — o nedir?
3. Adlık angı adları gösterer?
4. Obyekt adı gösterän adlık angı soruşa cevap eder? Örnek veriniz.
5. İnsan adı gösterän adlık angı soruşa cevap eder? Örnek veriniz.
6. Obyekt gösterän adlıklar söläyiniz. Angı soruşa onnar cevap etsinnär lääzım?
7. İnsan gösterän adlıklar söläyiniz. Angı soruşa onnar cevap etsinnär lääzım?
8. Bu adlıkları soruşlara görä ayırınız: kartal, odun, beegir, akıl, adam, şeker, karı, toprak, diş, dil, kaar, kilimci, Vani, bayır, çiftçi, kuan, Sandi, hergeleci, öküz, ceviz, alma, küü, Çadır.
9. Bu lafların arasından adlıkları ayırınız da tefterinizä yazınız: tavşan, korkak, kaçêr, masa, altı, bän, sän, o, tafta, Nadi, okumaa, yazmaa, kedi, Taniyä, saat, oldu, alacak, kırmızı, meyva, üzümñär, çanaklar, kırık, dolu, kısa, kırıkçı, makaz, makazçı, demir, demirci, irmi, kırk, üz, yorgan, fena, saydı, düş.
10. Bu cümlelerdä adlıkları bulunuz:
  - a. Kedi sıçan tutêr.
  - b. Inek süt verer.
  - c. Fedi çekiçlän enser kakêr.
  - ç. Sofinim çantasında var: yazal, karandaş, kiyatlar, tefter, boyalar bir dä penal.

Tefterinizä yazıp, adlıkların altını çiziniz.

11. Bu adlıklarlan cümlä kurunuz: hava, kaar, Sanda, Görgicik, kızak, evdä, yazallan, insan, soba, mamu.

**Evä iş.** Evdä «Garganın masalı» tekstindän sonundakı şiircii tefterinizä yazınız, adlıkların altını çiziniz.

**Lafları:** soba, ceviz, anatar, peşkir, oda, pat, çay, kaşık, pençerä — kısımnara bölünüz, vokalların altını bir çiziylän, konsonnarın altını iki çiziylän çiziniz tefterinizdä.

**Ö r n e k :** soba — so-ba; a-na-tar...

**Okumak. Söz.**

**Gün, kaar hem lüzgär.**

*L. Tolstoy.*

Bir adam yolda gidärkän, karşı geler Günnän, Kaarlan hem Lüzgärlän. Adam onnara seläm vermiş.

Bunnar çekişerlär şindi, kimä adam seläm vermiş?

Kaar deer:

— O bana seläm verdi. O korkêr, ani bän onun yolunu kürtünneyecäm.

Lüzgär sä deer:

— Yok, Adam bana seläm verdi. O korkêr, ani bän onun kalpaanı sıbıdacam da başkabak kalacek suukta.

Ozaman Gün deer:

— Beki Adam bana seläm verdi? Bän onu yısıdêrım hem yolunu göstererim.

Onnar annaşamadılar. Adamı durguttular da sordular:

– Sölä bizä, Adam, kimä sän seläm verdin te hemen?

Adam cuvabını verer:

– Bän Günä seläm verdim. Gün bana çok ii yapêr. Siz dâ  
Günä şükür ediniz: onsuz siz dünnedä olamazsınız. Gün  
yısıtmazkan, lüzgär esmâz, bulutlar olmaz, kaar da yaamaz.

<b>Laflar:</b>
sıbıdacam
başkabak
yolunu göstererim
te hemen

**Lafları dooru yazalım:** gidärkän, Günnän, kürtünneyecäm,  
sıbıdacam, yısıdêrım, durguttular, hemen, cuvabını, sizdä,  
onsuz, olamazsınız.

**Soruşlar:**

1. Adam yolda kiminnän karşı gelmiş?
2. Gün, Kaar hem Lüzgär çekişmää neçin tutunmuşlar?
3. Kaar ne deer?
4. Lüzgär ne deer?
5. Gün ne deer?
6. Adam ne cuvap verer?
7. Siz nicä esapleêrsınız?

**İş.** Bu masalı islää okuyunuz.

Kendi laflarınızlan onu annadınız.

*Gözäl gagauzçamızı sevelim, kaybetmeyelim!*

«Salt onunnan biz insanız!»

**Dil.**

## **Nişannık.**

**Nişan gösterän laflar.**

Ana gagauzçamızda taa çok gözäl laflar var. Çok laf var, ani obyektlerin, insanın, başka işlerin dä nişanını göstererlär: *biyaz, büük, sarı, küçük, eşil, gözäl, çirkin, dooru, iiri, alçak, fena, ii, düz* h.b.

Bölä laflar taa çok *nesoy?* soruşa cevap ederlär: (*nesoy?*) **biyaz** çiçek; (*nesoy?*) **küçük**, (*nesoy?*) **aar** – taş h.b. Şindi adlıkları ayırı okuyunuz: çiçek, ...

Dolaynıza bakınız, türlü obyektlerin nişannarını söläyiniz: bankalar, tafta, duvarlar, tavan, döşemä, (erlär), skemnä, tebeşir h.b.

**Ö r n e k :** *alçak* banka; *kara* tafta; *gözäl* kız...

Evdä kedi var mı? Onun tüüsü *nesoy?* Onun gözleri *nesoy?* onun kuyruu *nesoy?*

– Kedinin nişannarı için cümlä kurunuz.

**Ö r n e k :** *Kedi sallêr uzun kuyruunu.*

Aklınızda tutunuz: obyektlerin hem insannarın nişannarını gösterän laflara **nişannık** deniler.  
**Nişannık nesoy?** soruşa cevap eder.

1. Obyektlerin hem insannarın nişannarını gösterän laflara nicä deniler?

2. Nişannık — o nedir?

3. Nişannık angı soruşa cuvap eder?

İş. — Bu adlıklara nişannıkları söläyiniz: masa, soba, aac, top, otlar, booday, sabun, bal, yol, çanta, pınar, köprü, mamu, kardaşım, Petri, sportçu, yazıcı, dermeni.

Ö r n e k : *eni* masa...

**Bu nişannık — adlık çiftlerinnän cümlä kurunuz.**

— Bu lafların arasından nişannıkları ayırınız:

çiçek, ekmek, datlı, paalı, karımca, su, yaş, kuru kaar, buz, ilin, çetin, sulu, ucuz, iplik, üürenmäk, kolay, saar, Burgucu, kağan, girgin, askerci, kaavi, zabun, kabak, erik, pipi, kirpi, arif, avcı, eşil, turuncu.

— Altı cümlä nişannıkların kurunuz.

Tefterinizä yazınız.

— Bu cümlelerdä nişannıkları bulunuz.

a. Biz aldık bir küçük kirpi.

b. Kuvannar tatlı bal yapêrlar.

c. Başçada biyaz güllär açtılar.

ç. Mamu fırından taazä ekmek çıkardı .

d. Üüsek aaçlar sert lüzgerdä sallanêrlar.

— «Gün, Kaar hem lüzgär» masalda nişannıkları tefterinizä çıkarınız.

## Geler ilkyaz.

*Şkola türküsü.*

Tä geler ilkyaz, geler,  
Topraamı bütün döşeer.  
Kır dolu çiçek açar,  
Oynamaa bizi çaarar!  
Lä, lä, lä, lä...  
Kır dolu çiçek açar,  
Oynamaa bizi çaarar!

Ot eşil büüyey, büüyey,  
Cıvırlıga dik çüyer.  
Sesleyelim, ha, uşaklar,  
Ne türlü çalêr kuşlar!

«Ku-ku», «ku-ku» pek baarar,  
Çil alçaklarda atlar.  
Kuzular oynar kırdä,  
Görelim, ha, orada!

Şkola çancazı urar,  
Üürenmää bizi çaarar.  
Brakalım, ha, uşaklar,  
Oynadık ettii kadar!



**Şiir.**  
**Okumak.**  
**Söz.**

## **Anaların günü.**

### **Anam.**

Dunnedä çok mamu var,  
Uşakları pek sevär!  
Ama var paalı bir can,  
Ani pek severim bän.

Kimdir, bilsän bu ana?  
Söläyim mi bän sana:  
O benim paalı anam —  
Ona bän hiç bir bıkmam!



## **Mamum benim...**

*D.Tanasoğlu.*

Mamum benim birdir,  
Mamum benim iidir!  
Severim, öperim!  
Severim, öperim!

Mamum, ne gözalsın,  
Mamum, ne islääsin!  
Öperim, severim,  
Elini öperim!

Beni sän seversin,  
Beni sän büüdersin!  
Öperim, severim,  
Yanaanı öperim!

Ekmek mamucuum yapêr,  
Pençeredän gün bakêr;

Gün o sade biricik,  
Mamum hep salt biricik.

Herbir ana halizdä  
En paalıdır dünnedä.

Ey, esil otçaaz,  
Senin dä mamum var!

.....  
Ey, gözäl çiçek,  
Senin dä mamun var!

.....  
Ey, aydın yıldız,  
Senin dä mamun var!

## Okumak. Söz.

### Senin anan kimdir?

*V. Suhamlinskiyâ görä.*

İki çocuk analarının skolaya geldilər. Sandicik hem Mateycik. Onnar tanıştılar. Sandicik Mateycäa sorêr.

— Senin mamun näändä işleer?

— Sän ne, annamadın mı? O artık ilaca kokêr. Benim mamum doktor işleer. O hastaları ilaçlêr. Ye senin mamun näändä işleer?

— Sän ne, annamêêrsın mı? O ekmää kokêr! Benim mamum fırıncı işleer, ekmek pişirer. Ekmek hepsinä lâazım.

— Doktora da mı? — sordu Mateycik.

— Doktora da, — dedi Sandicik.

**Laflar:**

tanıştılar

fırıncı

artık

**Lafları dooru yazalım:** sorêr, işleer, ilaç, doktor, hasta, ye, fırıncı.

**Soruşlar hem iş.**

1. Taa ne zanaatlarda analar işleerlär?
2. Kendi analarınız için annadınız.

Angı ana hepsindän paalıdır dünnedä? Neçin?

Anadan yurtluk başlêêr!

Gözäl gagauzçamız da anadan geler!

**Lafetmäk.**

**Laflar hem cümlelär.**  
(Tekrar).

Cümleleri okuyunuz:

- a. Oldan-batır kıpçaklardan korkmadı.
  - b. Oğuzlar kıpçakları ensedilär!
- Herbir cümledä – lafetmedä kaçar laf var?
  - Her lafın kaçar kısmı var?
  - Kısımnar nelerdän düzülü?
  - Soslär nesoydurlar?
    - Cümlelerin baş paylarını gösteriniz.
    - Subyekt ne gösterer?

- Bu subyektlär angı soruşa cuvap ederlär? Neçin?
- Predikat ne gösterer?
- Bu predikatları angı soruşlarlan buldunuz?
- Kısımlı angı ses düzäbiler? Vokalsız kısım olur mu?
- Cümlelerin sonunda ne nişannar koyulêr?
- Bu cümlelerin sonunda ne nişannar koyulu?

**Aklınıza getiriniz:** seslär sölenler hem işidiler; literalar yazılêr hem okunêr. Onnar var küçük tä, büyük tä, eldän dä, tipardan da. Örneklär?

Büük literalar näända yazılêrlar? Ö r n e k .

– Aşaadakı lafların seslerini sayınız:  
**dedä, oguz, yurtluk, yurtla, girgin, korkmaz, toz.**

Ö r n e k : dedä 4 oguz 4 yurtluk 7...

– Esap alınız, ne olêr, açan lafta bir ses diişiler: açan – uçan; kaç – kan; gelmä – geçmä; hatır – katır; üzüm – üzük; uzak – uzan...

– **Aklınızda tutunuz!** Lafta bir ses diişilärsä, maana da diişiler.

– Bu laf çiftlerinnän cümlä kurunuz. **Gözäl gagauzçamız.**

tut-dut; dur-kur; dar-sar; sandım-sattım (sardım).

**Gözäl gagauzçamız.**

Vatan demää, yurt demää,  
Yurt demää, Vatan demää.

Bu söleyiş neyâ üüreder?

Yurdumuz bizim angısıdır? Yurdumuzu sevelim läázım nicä?

- Yurdumuz için annadınız, sora yazınız.
- Duuma eviniz neredädir?
- Duuma eviniz için annadınız, sora yazınız.
- Aylenizdä kimnär var?
- Ayleniz için annadınız.

**Araslan-Beyin anası.  
(Lecenda).**


Oguz dedelerin bir girgin padişası Araslan Beymiş. Yurtluumuzu o pek sevârmış. Onu o duşmannardan koruyarmış. Käämil bir anası varmış. O onu ölä büütmüş hem üüretmiş: ana topraanı sevsin hem korusun.

Bir düüştä ama, bizans duşmanarı pek çokluk gelmişlär. Araslanın askeri enseyämâzmiş. Kendisini dä bir duşman oku batıp-yaralamış. Araslan-Bey Kaleyä çekilmiş. Aar kapulara urmuş. Bir taş pençeredän anası sormuş, kim tokatlara urêr.

— Bänim, ii anam, senin oolun... düüştän yaralı dönerim...

— Bölä ool bendä yok!

Da kapuları açmayıp, anası yollamış onu duşmanı düüsün. Araslan-Bey eni gurginliklän duşmanı koolamış da yurtluumuzu kurtarmış.



Vatan demää — Yurtluk demää.  
Yurtluk demää — Vatan demää!

### **Laflar:**

Araslan-Bey	bizans duşmannarı
oguz dedelär	ok
Yurtluk – vatan	kalä
käämil	lecenda

**Lafları dooru yazalım:** padişaa, büütmüş, enseyämäzmiş, kaleyä, girginnik, kimmiş.

### **Soruşlar:**

1. Araslan-Bey kimmiş?
2. Bizans duşmannarı neçin yurtluumuza gelmişlär?
3. Araslan-Beylän düüştä ne olmuş?
4. Bey korunmaa nääni cekilmiş?
5. Anası ne demiş ona?
6. Araslan-Bey sora ne yapmış?

### **İş hem sınışlar.**

- Teksti okuyunuz, annadınız.
- Dialogu ayırı okuyunuz, tefterinizä yazınız.
- Laflarlan: *Araslan-Bey, käämil ana, ana toprak, kalä, anası sormuş, anası demiş, duşmanı koolamış* – cümlä kurunuz.
- «Araslan-Bey eni girginniklän» laflar grupasını annadınız, sora cuvabı tefterinizä yazınız.
- «Duşman kafaları oguz kılıçları altında dıgırlanarmış» – cümleyi kullanmaa bu teksttä yakışır mı? Denäyiniz.
- Dedelerin girginnii için ne var kolay söylemää?

## Nazırlık insanı gözelleder



## Test – 2

Aşaada 10 soruş var. Her soruşun altında da dört ayırı cuvap verilidir. Bunnardan salt biri doorudur. Onu bulunuz da söläyiniz, yazınız.

### Ö r n e k :

«İnsan bizä kolaç hem gümüş verdi» cümledä sizä baasış aşaadakılardan angısıdır?

a) peşkir, b) yazal, c) kolaç, ç) şiir.

Dooru cuvaptır «kolaç». Bu lafi tefterinizä yazarsınız.

### Soruşlar:

1 – Aşaadaki adlıklardan angısı dooru yazılıdır?

a) feni, b) vani, c) Aydına, ç) vasicik

2 – Aşaadaki laflardan angısı adlıktır?

a) mor, b) otuz, c) göl, ç) işlemää

3 – Aşaadaki laflardan angısı nişannıktır?

a) kartal, b) elli, c) pembä, ç) traktor

4 – Aşaadaki lafları alfabet sıralında yazınız.

a) nacak, b) laana, c) boz, ç) edi

5 – Aşaadaki küü adlarından angısı yannış yazılıdır?

a) Çadır, b) Avdarma, c) kıpçak, ç) Kazayak

6 – Aşaadaki seslerdän angısı vokal sesidir?

a) b, b) r, c) ö, ç) s

7 – Aşaadaki laflardan angısı yannış kısımnara bölünmüş?

a) ma-mu, b) a-na-tar, c) mas-al, ç) a-çık.

8 – Aşaadaki cümlelerdän angısının sonuna soruş nişanını koymaa läázım?



- a) Mamumu severim.
- b) Dädum masal annadardı.
- c) Senin anan neredä işleer.
- ç) Ne gözaldır bu çiçeklär.

9 – Aşaadaki cümledä angısıdır subyekt? «Herbir ana kendi uşaklarını en çok sever».

- a) kendi, b) çok, c) ana, ç) sever.

10 – Aşaadaki cümledä angısıdır predikat? «Herbir uşak kendi anasını pek sever».

- a) her, b) pek, c) sever, ç) uşak.

**Okumak. Söz.**

### **Oldan-batır hem kıpçak hanı.**

(Lecenda).

Bizim oguz dedelerimiz erleşmiştilär eni kırlarda. Bey-Batır ayırmışlar Oldan-batırı. O kaaviymiş hem girginmiş.

Kıpçak hanı ama duşmanmış onnara. O pek kızmış oguzlara. Neçin ayırmışlar kendilerine bey. O izin vermiş, ki Oldan-Bey onun yurtasına gelsin.

– Oldan-batır, gitmä, korkuludur zerä, – demiş ihtiar yardımcısı. – Han pek kinni, var nicä öldürtsün.

Oldan-batır ama verilmemiş. Gitmiş. Hanın önündä dikilmiş batal güüdesinnän.

– Sän korkmamışın bana baaşıssız geläsin? – baarmış han.  
– Hem dizçä çökmeyäsin?

– Bän beyim, han! Bir insan gibi diz çökürüm. Ama *bey* gibi bunu yapmam! Halkımı iiltmäm senin önündä! Oğuz halkımı! O sendän korkmêâr!

Han yoktu ne yapsın. O bilärdi oğuzların kuvedini hem girginniini.

Açan o kıpçak hanı oğuzların üstünä cenklän kalkmış, oğuzlar Oldan-Bey-batırlan onu ensemişlär.

**Laflar:**

Oğuz dedelerimiz  
Bey-batır  
kıpçaklar  
han  
izin  
yurta  
kin, kinni  
baaşış

**Lafları dooru yazalım:** oğuz, kaaviymiş, onnara, kendilerinä, kinni, öldürtsün, güüdesinnän, baaşıssız, dizçä, çökmeyäsin, beyim, girginniini.

**Soruşlar:**

1. Kıpçak hanı oğuzlara neçin kızmış?
  2. Oldan-batır ne yapmış?
  3. Kıpçak hanın önündä Oldan-batır kendisini nicä kullanmış? Neçin?
  4. Onnarın buluşması nicä bittmiş?
- İş.** — Esap alınız, «Onnara» laf nicä yazılı? Sölemää da nicä lääzım? İki «n»-lan başka laflar da bulunuz, tefterinizä yazınız.
- Teksti uygun seslän okuyunuz; her personajın sesini gösteriniz.

– Laflarlan: «Oğuz dedelerimiz», «Oldan-batır», «Kıpçak hanı», «izin», «yurta», «kinni», «baaşış» – birär cümlä kurunuz.

– İki «nn» konsonunnan laflar yazınız. Onnarlan cümlä kurunuz.

– Tekstin ilk iki paragrafını tefterinizä yazınız.

– Teksti annadınız plana görä:

a. Oğuzlar Bey-batır ayırmışlar.

b. Oldan-batır korkmamış kıpçak hanına gitmää.

c. Oldan-batırın hem kıpçak hamın lafetmesi.

ç. Oğuzlar kıpçakları ensemişlər.

– Diktant yazınız şu teksti:

«Oldan-batır kıpçak hanına gitmiş. O giimiş bey rubalarını. Han sert laflarlan onu karşı etmiş. Oldan-batır ondan korkmamış. Oğuzlar kıpçakları ensemişlər.

**Dil.**

### **Aderlik.**

(Adlın erini tutan laflar).

Şindiyädän üürendiyiniz, **kiadlık** hem **nişannık** laflarına **söz payları** deniler.

**Adlık** bir söz payıdır (adam, yıldız, kuş h.b.).

**Nişannık** bir söz payıdır (kalın, sarı, silinik...).

**Adlık nedir?**

Türlü obyekt hem insan adlarını gösterän **söz payına adlık** deniler (tuz, keçi, kireç, Ankara).

**Nişannık nedir?**

Obyektlerin, insannarın (aderliklerin) nişanını gösterän **sözpayına nişannık** deniler (yaş, kuru, tatlı, kara...)

Gözäl gagauzçamızda var başka da söz payları.

Şindi taa bir söz payını tanıyacez — **aderlik**.

— Siz şkolaya neçin gezersiniz?

— Üürenän ii uşaa nicä deerlär?

— Çalışkan uşak nicä cuvap eder?

*Cuvap: Çalışkan uşak gözäl cuvap eder.*

Bu cümleyi tefterinizä yazınız.

— O neyä düşüner herkerä?

*Cuvap: O herkerä üürenmää düşüner.*

Bu cümleyi dä tefterinizä yazınız.

— Üürenmeyän uşaa nicä deerlär?

*Cuvap:*

*Üürenmeyän uşaa haylaz deerlär.*

Tefterinizä yazınız.

— Nesoy notalar o kableder?

*Cuvap: O kötü notalar kableder.*

— Bu cümlelerdä kimin için sölenor?

(Uşak için)

— «Uşak» nesoy söz payıdır? (adlık).

Cuvap cümlelerindä «uşak» lafin (adlın) erinä angı laf koyulu? (laf «O»):

a. **Uşak** gözäl cuvap eder.

b. **O** üürenmeyä düşüner.

İkinci cümleyi okuyarkan, kimä düşünersınız? Lafı «O» angı laflan uydurmaa läázım? («Uşak» lafinnan).

«Uşak» lafin erinä ne var kolay söylemää («O»). Esap alınız: «O» laf «uşak» lafin erini tutêr, adlık erini tutêr.

**Onnar** top oynêêrlar.

Laf «**onnar**» angı lafin (adlın) erini tutêr? («uşaklar»).

Taa angı lafların? («çocuklar, kızlar»)

**Bän, sän** laflar ne erleri tutêrlar? (ad, adlık).

**Biz, siz laflar ne erleri tutêrlar? (ad, adlık).**

**Aklınızda tutunuz:**

**Ad (adlık) erini tutan söz payına *aderlik* deniler.**

**Ö r n e k l ä r :** doktor — o; meyvalar — **onnar**; **bän** (uşak, adam, karı); **siz** (adamnar, karılar)...

**Adların (adlıkların) erinä koyulan laf (söz payı) nedir? (aderlik).**

**Angı söz payına aderlik deniler?**

**İş hem sınışlar.**

— Aşaadaki adların erinä aderlik koyunuz: salkım, lelek, lelü, koyunnar, kuvannar, daalar.

— *Bän, sän, o, biz, siz, onnar* aderliklerinnän birär cümlä söläyiniz.

— *O, onnar, siz, sän* aderliklär angı adların (lafların) erini tutêrlar?

— *O, onun, onnar, onnarın* aderliklärlän birär cümlä tefterinizä yazınız.

**Okumak. Söz.**

**Kedi hem tilki.**

*L. Tolstoy.*

**Kediylän tilki lafa durêrlar da annaşêrlar, nicä kurtulmaa köpeklerin izlemesindän.**

**Kedi demiş:**

— **Bän köpeklerdän korkmêêrım, zerä var benim bir şiretliim.**

**Tilki sorêr:**

– Nasıl var nicä kurtulasın köpeklerdän sade bir şiretliklän? Benim var etmiş edi şiretliim.

Bu vakıt, nekadar onnar lafa durardılar, birkaç avcı tazılarinnan onnara yaklaşêr. Kedi sade bir şiretlik yapêr: bir aaca tez tırmaşêr da tazı köpeklär onu tutamêêrlar. Tilki ama, nekadar da kurtulmaa savaşmêêr, hep erdä kalêr. Tazılar onu kolay dişleerlär.

1. Ne lafedärmiş tilkiylän kedi?

2. Tazılardan angısı kurtulmuş hem nicä?

3. Tilkiylän ne olmuş?

4. Şiretlik nedir, becermək nedir?

– Dil bilgilerindän tekrarlayınız.

\* \* \*

*Yaşama şiretliklän, yaşa becermäklän.*

**Okumak. Söz.**

### **İlkyaz kanikulunda.**

İlkyaz kanikulunda da pek isläädi! Dinnendik, oynadık, gezdik. Ama iştä dä yardım ettik.

Ne gözäldir Ana Tarafımızda!

Gün hep taa pek yısîdêr. Suuklar, kaarlar gittilär. Derelär boşandılar. Günnär uzunnanêrlar. Gidän kuşlar tarafımıza dönerlär. Yuvalarını bulêrlar da düzerlär. Kanikul vakıdında, mart ayında, şansora karakuşlar geldilär. Onnar ne gözäl çalêrlar! Leleklär dä gelerlär, evlär üstündä dönerlär da dooru yuvalarına konêrlar. Gagalarını yukarı kaldırıp «takırdadêrlar» nicä çıkırıklar. Onnarın gagaları uzun, ki su içindä kurbaaları tutmaa. Onnar kurbaalarla beslenerlär, yavrularını doyurêrlar. Taa sora kırlangaçlar da gelerlär, başka kuşlar da.

İnsan kırdā işleer, sürer, eker. Baalarlarda da, başçalarda da iş çok var.

Çayırda koyunnar, sırlar otlêêr, kuzular oynaşêrlar.

Göldä kurbaa sesleri dâ tezdä işidilecek.

Biz pek sevindik ilkyaz kanikuluna! Pek sevineriz ilkyazın gelmesinä! İnsan çalışêr çok mal yapêr!

«Lelek, lelek, kafadar,  
Gel bizim hayada!»

İnsan çalışêr çok mal yapêr!

### **Laflar:**

kanikul

...kaarlar gittilär (poetik demäk)

derelär boşandılar (poetik demäk)

gidän kuşlar

takırdadêrlar

çıkırık

mal

**Lafları dooru yazalım:** ilkyaz, ettik, yısıdêr, gittilär, yuvalarını, şansora, leleklär dâ, gagalarını, çıkırık, yavrularını, kırlangaç, çayırda, sırlar, kafadar, hayat.

### **Soruşlar. İş.**

1. İlkyaz kanikulu nezaman olêr?
2. İlkyaz kanikulunda siz nelär yaptınız?
3. İlkyaz nicä geler? Nicä olêr? Onun nişannarı angılardır?
4. Neçin kimi kuşlar bizdän giderlär, sora genä gelerlär?
5. İnsan ne işlär yapêr ilkyazın?
6. Kuşlar için annadınız.
7. Hayvannar için annadınız.
8. İlkyaz kanikulu için annadınız.

«Yardım ettik» neçin ayırık yazılêr, «İlkyaz» nicä yazılêr?  
«İnsan çalışêr, çok mal yapêr» - nicä annêêrsınız?

9. İlkyaz kanikulu için beş cümlä tefterinizä yazınız.

10. Dil bilgilerindän tekrarlayınız.

**Dil.**

### **İşlik.**

Gözäl gagauzçamızda var taa bir söz payı. — O gösterer obyektin, insanın **işini, işlemini** — ne yapêr, ne eder, nedir.

Deyecez: uşak *yazêr* (ne yapêr?), horoz *çalêr* (ne yapêr?),  
yaamur *yaadı* (ne yaptı?), yaz *gelecek* (ne yapacak?)

**Aklınızda tutunuz:** obyektin işlemini gösterän söz payına (lafa) **işlik** deliner. Örnek: alêr, tuttu, gelecek, uçardı, gülärdi...

İşlik *ne yapêr?*, ne yaptı? ne yapacak? sorușlara cuvap eder.

**İş.**

1. Kuzu otlêêr. (Kuzu ne yapêr?)

2. Kapu açıldı. (Kapu ne yaptı?)

3. Çay suuacek. (Çay ne yapacak?)

İşlikleri gösteriniz. Cümleleri tefterinizä yazarak işliklerin altını çiziniz.

İş. Așaadakı işliklerä sorușları koyunuz: okudu, şaşêr, oturardı, uçacak, resim edecek, geçer, yazmêêr, bilmedi, düřtü, eşerecek.

Bu işliklärän birär cümlä söläyiniz.

İş. Așaadakı sorușlara uygun işliklär bulunuz:



Ne yapêr?...

Ne yapêrım?...

Ne yapêrsın?...

Ne yaptın?...

Ne yapêrlar?...

Ne yapêrız?...

Ne yapêrsınız?...

Ne yapacam?...

**İş.** Resimnerä bakınız. Herbir resimin altındaki lafı (işlii) okuyunuz, sora aşaadakı soruşılara cuvap veriniz.

### **Soruşılar:**

1. Vasi ne yapêr?
2. Anika ne yapêr?
3. Nadi hem Anika ne yapêrlar?
4. Vasi hem Dimu ne yapêrlar?

**İş.** Aşaadakı cümlelerdä işliklär angı soruşılara cuvap ederlär?

1. Biz ilkyazın çüidemä gideriz.
2. Evdä bän derslerimi yapêrım.
3. Onnar şkoladan geldilär.
4. Pazara siz gölä gideceniz.

**İş.** Aşaadakı cümlelerdä kara yazılı laflar ne göstererlär? Angı soruşılara cuvap aderlär? Ölä laflar ne söz paylarıdır? Annadınız.

1. Kirezlär acêrlar.
2. Kırlangaç uçtu.
3. Horoz öter.
4. Su dökülecek.
5. Köpek salardı.

**İş.** Aklınızdan söläyiniz: üç işlik *ne yapêr?* soruşı, üç *ne yaptı?* soruşı, üç *tä ne yapacak?* soruşı cuvap etsinnär.

Onnarlan birär cümlä tefterinizä yazınız.

**İş.** Adlıklar için, nişannıklar için hem aderliklär için tekrarlamak.

a) **Adlık** nedir? Örnek veriniz. Onnara nişannık hem işlik söläyiniz.

b) **Nişannık** nedir? Örnek veriniz. Onnara adlık söläyiniz.

c) **Aderlik** nedir? Örnek veriniz. Onnara işlik söläyiniz.

**İş.** Aşaadık cümlelerdä adlıkları, nişannıkları, aderlikleri hem işlikleri bulup ayırı direciklerä yazınız.

1. Şen uşaklar kıra çıktılar.
2. Bän käämil bir kiyat okuyêrım.
3. Biz kinoya gidecez.
4. Onnarın klası ensemiş.
5. Boban sana emeni alacek.
6. Bu emenilär eskidilär.
7. Önümüzä üüsek bayır görüner.

**İş.** Aşaadık nişannıklara adlıkları bulunuz:

acı...	işçi...
kırmızı ...	haşlak...
dolu...	boş...
tatlı...	çetin...

Bu nişannıklara karşı maanalı nişannıklar bulunuz.

**Ö r n e k :** acı — tatlı... çetin — yımışak...

### **Käämil sofra.**


Sineklär sarma sarêr,  
Sivrilär kallä yapêr,  
Kotlonu boboç yakêr,  
Üstündä horoz durêr,  
Gözlemä o pişirer...

Üürenilmiş söz paylarını bulunuz, annadınız.

### **Tamahlık.**

Bir kerä bir köpek koka-koka bir yaanılı kemik bulêr.

Kemirer, kemirer onu doyunca, taa o kemik kupkuru kalınca. Tamahlıundan ama canı acımış braksın kemii. Biraz dinnenip, alêr kemii aazına da enikunu evä yollanêr. Etişip bir tafta köprüyâ,



geçärkän derä üstündän, suda kendi gölgesini kemik aazında görer. «O kemii dä alayım» — düşünüp, suya atlêêr. Ama bu kemii dä kaçırêr.

Kemik suyun dibinä gider. Köpek kemiksiz kalêr. Evä geler kefsiz.

- Tamahlun beterinä ne olmuş, annadınız?
- Bu teksti paylara bölünüz.

\* \* \*

*Sıkının hem bolun kesesindän hepbir gidärmiş.*

*Nicä döşärsän, ölä dä yatarsın.*

**Dil.**

**İşliin zamannarı.**

Gözäl gagauzçamızda iş ya *olmuş*, ya *olêr*, ya da *olacek* (ne yaptı? ne yapêr? ne yapacak?).

## Geçmiş zaman.

(Ne yaptı?).

**İş.** Aşaadaki iş (işlem) gösterän lafları okuyunuz, sora soruşlara cuvap veriniz. İşlemin var zamannarı.

*Yazdı. Okudu. Yazdılar. Okudular.*

### Soruşlar:

1. Andruş ne yaptı?
2. Aydın ne yaptı?
3. Andruş hem Lambu ne yaptılar?
4. Aydın hem Nataşi ne yaptılar?

**Soruş:** Düşünün, angı zamanda iş (işlem) olmuş?

**Cuwap:** İş (işlem) oldu **geçmiş zamanda**.

İşliklär: okudu, yazdı, okudular, yazdılar bulunêrlar **geçmiş zamanda**. Geçmiş zamanın soruşları: *ne yaptı? ne yaptılar?*

**İş.** İşliklerä: aldı, oldu, sustu, attı, durdu, sindi, pindi, eridi, etişti, bulmadı, kaçmadı, görmedi — adlık (subyekt uydurunuz.) Geçmiş zamanın soruşlarını kullanınız.

**İş.** Adlıklara geçmiş zamanda işliklär uydurunuz:


Üüredici. Sava. Beegir. Kapu. Pençerä. Süt. Masa. Çokolata. «Snikers». «Çupa-çups». «Mars». Dondurma. «Koka-kola».

**İş.** Cümlelerdä geçmiş zamanda işlikleri gösteriniz.

Ilkiaz geldi. Otlar eşerer. Leleklär uçuşêrlar. Hava yısındı.

## Paskellä.

- Hristos dirildi!
- Hakina dirildi!



## Şindiki zaman.

(Ne yapêr?).

### Soruşlar:

1. Şindi Vladi ne yapêr? (Yazêr).
2. Soni şindi ne yapêr? (Okuyêr).
3. Usta şindi ne yapêr? (Keser).
4. Kedi şindi ne yapêr? (Yatêr).

Cuwapları veriniz.

— Angı zamanı gösterer bu soruşlar hem işliklär?

Bu işliklär şindiki zamanda bulunêrlar. Onnar *ne yapêr?* soruşa cuwap ederlär. Çokluk sayısında ama *ne yapêrlar* soruşa cuwap ederlär.

Bu işliklerä soruşu koyunuz: görêrlär, işleerlär, oynêêrlar, yapêrlar.

Birär dä cümlä kurunuz.

İş. Şindiki zamanda işlikleri ayırınız: tutuştu, açılêr, yısınêr, örüyer, aktardı, süpürdü, keser, diker.

İş. Şkolada ne yapêrız annadınız. Birkaç cümlä tefterinüzä yazınız (şindiki zamanda).

### Soleyişlär.

1. Yaz kışı besleer.
2. Çalışan kazanêr.

İşliklär angı zamanda bulunêrlar?

## Gelecek zaman.

(Ne yapacek?).

Aşaadaki işlikleri okuyunuz:

*Yazacek. Dinnenecek. Yazaceklar. Dinneneceklär.*

Soruşlara cuwap veriniz.

1. Vasi *ne yapacak?*
2. Anika *ne yapacak?*
3. Vasi hem Dimu *ne yapaceklar?*
4. Anika hem Nadi *ne yapaceklar?*

Cümleleri okuyunuz. İşliklerä soruşu koyunuz.

1. Uşak *uçacak.* 2. Su *dökülecek.* 3. Andruş hem Lambu *güreşecekler.* 4. Anika hem Nadi *dikecekler.*

Bu işliklär gelecek zamanda bulunêrlar.

Cuvap ederlär *ne yapacak?* soruşuna

İş (işlêm) ne zaman alacak? (Oldu mu? Olêr mı? Olacak mı?)  
– **gelecek zamanda.**

İş. Bu adlıklara işlikleri gelecek zamanda bulunuz: güneş, gecä, insan, ot, ekmek, şeker, «Snickers», «Mars», dondurma.

Birär cümlä kurunuz. (Gelecek zamanda).

İş. Okunmuş tekstlerdä gelecek zamanda, şindiki zamanda hem geçmiş zamanda işlikleri bulunuz soruşun yardımnan.


Soruş: işliin kaç zamanı var? Angıları?

## MASAL. «Gargaylan Tilki».

*I. Krlova görä.*

Bir kara garga, nändasa, bir parça piynir bulmuş. Konmuş bir aaca da onu isin istemiş. Biraz da düşünmüş, piinir ama aazında.

Bu vakıt bir sarı tilki, nändansa, oralarda gezärmiş. O birdän piynir kokusunu duymuş. Bakınmış, bakınmış da bir aaçta gargayı piynir aazında görmüş. Tilkinin aazı birdän sultanmış. Şindi o piiniri isin ki, nâpsın? Yaklaşêr aaca da çekeder tilki metetmäklän gargayı aldatsın:



— Ayolum, ne büük kuşsun! Ne gözäl tüülerin var! Te gözäl dä boynun, ha, ne gözlär! Ne burnu, ne kanatlar! Pek gözälsin, garga bulü! Yazık ama, ani bir kusurun da var: sesin vok da sän çalamêêrsın. Pek yazık! Bän pek istärdim biraz baari sesleyim senin o gözäl «Ga-a-ga-a!» türkünü ...

Garganın başı dönmüş metetmektän. Ama gücenmiş tä: «Nasıl bän çalamêêrım? Çalêrım,

— düşünmüş o. Da, şişirip kendisini, açıp aazını, baarmış bütün kuvedinnän «Ga-a-a!», ani daalar dosdolay ötmüş.

Piynir dä düşmüş aazından taman tilkinin aazına.

İşlär te butakım olmuşlar.

Masala soruşları koyunuz. Planın paylarını bulunuz. Annadınız. Ne fikirä gellersiniz?

— Dil tekrarlamakları.

*Garga tauk olamaz.*



# GÖZÄL GAGAUZÇAMIZ.

## Laflar hem cümlä. (Tekrarlamak).

Dilimiz gagauzçadır, gagauz türkçesidir. O pek gözäldir hem paktır. Lafetmäk laflardan düzüler. Dildä çok laf var.

Örneklär: mamu, baka, ev, aylä, küü, Avdarma, gök, yıldızlar, bir, iki, otuz, yaamur, güneş, toprak, üzüm, autobus...

İş. Siz dä söläyin türlü başka-başka laflar.

Şindi yazalım onnarı klas taftasında. Okuyalım.

Şindi tefterlerä yazalım onnarı.

Birkaç laftan **cümlä** düzüler. Cümlä nedir? İnformațiya? — bir düzülmä yazılı fikir? Subyektlän hem predikatlan kurulu?

Örneklär:

1. Mamu beni sever.
2. İçerdä şafk yanêr.
3. Güneş dışarda havayı yısıdêr.

Söläyin: kaçar laftan kurulu herbir cümlä.

Cümleleri tefterlerä yazın. Subyektləri hem predikatları gösteriniz. Angı söz paylarıdır onnar?

## Dilimiz.

Ne tatlı hem ne gözäl dä  
Ana dilimiz,  
Başka taa gözäl bir dil dä  
Yoktur bilmemiz.

\* \* \*

*Gözäl ana dilimizi koruyun.  
Lafedin onda.*

## GÖZÄL ANA DİLİMİZ.

**Gümleleri laflara daadalım, sora genä topladalım.**  
(Tekrarlamak).

1. Şkolada biz üüreneriz.
  2. İlkyazın eşil otçaaz büüyer.
  3. Kuzucuklar çayırda oynaşêrlar.
  4. Bän yazêrım.
  5. Fedi okuyêr.
  6. Komratta festival oldu.
  7. Biz ana yurtluyumuzu severiz.
  8. Gagauzistan bizim ana yurtluyumuzdur.
- Herbir cümleinin laflarına numer koyunuz.  
Ö r n e k : 1) şkolada, 2) biz, 3) üüreneriz.
- Şindi cümlelerin laflarını karıştıralım, erlerini diıştırelim.  
Ö r n e k : biz, üüreneriz, şkolada.
- Şindi lafları erlerinä toplayalım.  
(Kalan cümlelärlän dä hep bölä işläyin).
- Çok başka da örneklär tekrarlayınız.

\* \* \*

*Gözäl ana gagauzçamızı koruyun.  
Lafedin onda.*

### Test – 3

Aşaadakı soruşları esapalmaklan okuyunuz. Her soruşun altındaki cuvaplardan sade birisi doorudur. Dooru olan cuvabı bulup tefterimizä yazasınız.

## Soruşlar:

1. Aşaadaki adlıklardan angısı yannış yazılıdır?  
a) kartal, b) bayır, c) tarnak, ç) başça
2. Aşaada verili laf gruplarından angısı adlın nışanını bildirer?  
a) üç uşak c) sarı yaprak  
b) kırk sopa ç) ikinci klas
3. Aşaadaki nışannıklardan angısı material gösterer?  
a) kara b) uzun c) demir ç) yırtık  
boya saçak kapu pala
4. Aşaadaki adlardan angısına soruş *kim?* koyulur?  
a) dana, b) kasaba. c) çalgıcı, ç) toprak
5. Aşaadaki adlıkların angısı **bir** obyekt gösterer?  
a) kelebeklär, b) çantalar, c) tebeşir, ç) kıyatlar.
6. Aşaadaki işliklerin angısı gelecek zamanda yazılı?  
a) kaydı, b) çaarêr, c) silecek, ç) atamamış
7. Aşaadaki aderliklerin angısı işliklän (ne yapêr?) yazılı?  
a) o gök, b) sän seninsin, c) biz çokluktuk, ç) siz yaşêêrsınız.

## Okumak. Söz.

### Istemi Kagan hem Tepecik-Babaog.

Düşlerin birindä Istemi Kaganın beegiri düsmüş bir duşman okundan. Bir bıyıklı askerci tez yaklaşır, demiş:

- Üüsek Kaganım, al benim beygirimi!
- Olur! – demiş Kagan, mayıl olup askerciyä.

Ama geniş hem kudret arkalı Kaganın boyu batal olmayıp, beygirä tez pinämemiş düüş ortasında.

Askerci çökmüş tepecik gibi da Kagan, ayaanı onun omuzuna koyup beegirä atlamış.

— Senin adın nedir? — Sormuş Istemi Kagan.

— Babaogum bän, üüsek Kaganım.

— Tepecik-bey olursun, Tepecik Babaog! —üüsek ad ona Kagan vermiş. — Hem dâ iki su pınarı senin olur.

— Bir Tangrı! Şükürüm üüsek Kaganım!

Istemi Kagan genä oguz-türk ordusu önündä duşmamı tepeleyip koolamış.

**Laflar:**

Istemi Kagan  
ok, yay  
mayıl olup  
kudret arkalı  
ordu

**İş.** Teksti okuyunuz. Onu paylara bölünüz. Annadınız. Rollar-  
ca da okuyunuz.

**Soruş:**

Istemi Kagan kimdi? Ondan ne örnek alêrız?

\* \* \*

Istemi Kagan  
Ne multu asker,  
Dedä halkımdan  
Allahlı geler.

O! sän, büük dedäm,  
Kılıcın kaavi!  
Girginnii sendän,  
Alacam hem bän!

## GÖZÄL GAGAUZÇAMIZ.

\* \* \*

Bir eşil dalda durêr  
Bir gözäl kuşcaaz mayıl;  
Hem sesleer, hem dâ şaşêr  
Bizim gagauzçayı.

Laflan da o sölesä,  
Çalarak pençeredä  
Mutlak, laf alır, bil sän,  
Gercikli dilimizdän!

\* \* \*

Gök yıldızlan dokulu,  
Çayırılar da çiçeklän;  
Senselä sä duygusu —  
Gagauz sözlärlän!

Sızıntı erdän duusun  
Booday tok-tok tenedän;  
Senselä sä duygusu —  
Gagauz sözlerindän!

Şılalar gün olusu,  
Kokular çiçeklerdän;  
Senselä sä duygusu —  
Gagauz sözlerindän!

\* \* \*

Gagauz beener  
Kırda, çeşmedä,  
O serbestlener  
Uslu dünnedä.

Orda o görer  
Eşil çimendä  
Kuzu şennener  
Uslu dünnedä.

Orda Yalpucak  
Kuru deredä  
Ölmesin bir-pak  
Uslu dünnedä...

Ölmesin halkım  
Oguz dedemdän,  
Olsun hem haki  
Uslu dünnedä!

\* \* \*

Oguz senseläyim bän  
Uslu dededän, — girgin  
Ölümdän korkmam hiç bän  
Ata Oguz-han gibi!



**Annatma — masal.**

**Kırmızı takecik.**

*H. Andersen.*

- Resimnerä görä annadınız.
- Resimnerä görä soruşları koyunuz hem onnara cuvapları yazınız.
- Masalı kim yazmış?







## Serbest okumak.

### Çorba.

Bir çocuk sofraya henüz oturmuştu.

— Bu çorbanın tuzu çoktur. Ban onu imâm, — dedi da kaşı braktı.

Anası hiç üstelâmedi:

— Pek ii... Avşama sana taa iisini hazırlarım, — dedi da sofrayı kaldırdı.

Biraz sora ana başçaya gitti. Kartofileri kazıp, çıkarmaa başladı. Çocukak gün kauşunca ter içindâ anasına yardım etti.

Avşam olup, evâ döndülâr. Anası sofrayı hazırladı. Çorbayı çinilerâ döktü. Çocukak çinisindân bir kaşık alır, almaz:

— O, o o o! Bu çorba hakikat ani datlı, — dedi. — Gözâl kokusu ne var!

Çocukak apetitlân büyük bir çini çorba idi. Anası gülerâk:

— Sevgili yavrum, bu üülendâ senin beenmedii corbandır. Ama şindi çok hoşuna gelmiş. Zerâ bütün gün avşama kadar kayretli çalıştın.

#### Laflar:

çorba  
henüz  
üstelemedi  
çini  
alır-almaz  
hakikat  
apetitlân  
hoşuna gelmiş  
kayretli

**Lafları dooru yazalım: çocuk, henüz, avşama, sofrayı, biraz, başçaya, çıkarmaa, kaşık, hakikat, yavru, hoşuna.**

**İş. Okuyunuz, annadınız.**

### **Käämil sofra.**

Sineklär sarma sarêr,  
Sivrilär kallä yapêr,  
Kotlonu boboç yakêr  
Horoz üstündä durêr,  
Gözlemä o pişirer,  
Gagasınnan çevirer...

Açan imeklär pişti,  
Maaleyä bir kaaz gitti,  
Bir susak boza buldu,  
Hepsi dä mayıl oldu!

Ama bir şalvir kedi  
Gelip hepsini idi.

#### **Laflar:**


sivrilär (sivri sineklär)  
kallä  
kotlon  
boboç (bıcıcık)  
boza

## Tamamna. Oku.


aç	kaz	kır	cam
ma —	ge —	kö —	de —
ka —	gü —	kı —	bu —
sa —	dı —	de —	ku —
ko —	kı —	yo —	ti —
an	ma	ça	oy
e —	— e—	— e	bo —
i —	— i	— i	tü —
o —	— ı	— o	ko—
ö —	— o	— ö	so—
u —	— u	— u	ba—
<b>anma</b> <b>bakar</b>	<b>inmä</b> <b>eşli</b>	<b>açma</b> <b>topçu</b>	<b>çakar</b> <b>dedäm</b>

## Esaplar


10'dan geeriyä dooru birär sayınız. Boş erlerä uygun sayı yazınız.




7'dän başlayarak geeriyä dooru birär sayınız, boş erlerä uy sayıları yazınız.




20'dän başlayarak geeriyä dooru birär sayınız, boş erlerä uygun sayıları yazınız.



17'dän başlayarak geeriyä dooru birär sayını. Boş erlerä uygun sayıları yazınız.



13'tän başlayarak geeriyä dooru birär sayınız. Boş erleri uygun doldurunuz.



**Anatar.**

Kosticik, top oynarken, düşmüş. O dirseeni urmuş, acıtmış. Ama gölmeeni dâ yırtmış. Kahırlı hem üfkeli o evâ gelmiş.

Anasina:

— Çabuk bana bir eni gölmek ver. Üstümdekisi kirlendi... yırtıldı da.

Anası ona hiç bakmamış.

Kosticik sertleştirip sesini:

— Sana dedim! Eni gölmek isteerim!

Anası bölâ hatırsız laf işidip:

— Seslä, cocuum. Eski zamannarda bir başça varmış. İçindä bürcü kokulu meyvalar varmış. Her tarafı taş duvarlarla sarılıymuş. Meyvalar olarmış, cıvılcıvıl kuşlar ötüşärmış. Ama o gözäl başçaya kimsey girämäzmiş. Zerä tokadı kilitliymiş.

Bir gün kimnärsä toplanıp başçaya girmää istemişlär. Ama girämemişlär. Duvarlara sopalarla urmuşlar, kapuları kırmaa denemişlär nacaklarla... Ama faydasız. Tokatlar kaavi durarmışlar, açılmamışlar.

Oralarda bulunan bir kızçaaz demiş:

— Helä, bän deneyim. Beki açabilecäm.

Yaklaşp tokatlara tatlı hem yımışak seslä, üzündä gözü güler, dilindän bal damnêêr, demiş:

— Gözäl tokat, cici kapu, yalvarêrım, açılšana.

Da birdän, bir inanamaz iş olmuş. Tokadın iki kanadı birdän açılıvermiş.

Çocuk bunnarı anasından işidip, utanmış. Anasından afetsin istemiş. Sora yalpak seslä demiş:

– Mamucuum, bana bir pak gölmek versänä?

**Laflar:**

sertleştirip  
hatırsız laf  
bürcü kokulu  
cici kapu  
yımışak seslän  
inanamaz iş  
iki kanadı  
afetsin  
yalpak ses, laf

**Lafları dooru yazalım:** yırtmış, kahrılı, üfkeli, üstümdekisi, meyvalar, duvar, sarılıymış, kilitliymiş, istemişlär, deneyim, yımışak, açılivermiş.

**İş.** Bu lafları cümlelerdä kullanınız.

– **Okuduumuzu annadık mı? Cuvap verelim.**

1. Kosticik anasından gölmek istärkän nasıl lafetmiş?
2. Anasına o laflar nicä gelmişlär?
3. Anası Kosticää başçanın masalını neçin annatmış?
4. Masaldaki kızcaaz tokatları nicä açtırmış?
5. Kosticik bu masalı seslediyän ne üürenmiş?
6. Anasına danışması nicä diişmiş? Gölmää nicä istemiş?

– **Gözäl gagauzçamız.**

1. «Anatar» denän teksti okudunuz. Bu tekstä başka bir ad bulursunuz mu?

2. Teksttā olan «üzündä gözü güler», «dilindän bal damnêêr» maanalarını başka türlü nasıl demää olur?

3. Teksttā cümlelerin soyunu hem sonnarında nişannarı annadınız.

4. Aşaadaki cümleleri, tefterinizä yazarak, uygun nişannarı koyunuz.

a) Başçamızda menevşä gül laalä zambak gibi çiçeklär var

b) Siz burada mı yaşêêrsınız

c) Vallaa, şkolaya geç kaldım

ç) Büün anam bobam hem bän panayıra gittik

– Düşünelim, annadalım, yazalım.

1. «*Tatlı dil yılanı da deliindän çıkarır*». Maanasını klasta annadınız, açıklayınız. Bu nedir?

2. «Buyurun, şükür ederim, saa olunuz, yalvarêrım, zaamet etmeyin» gibi lafları hem laf birleşmelerini cümlelerdä kullanınız. Tefterinizä yazınız.

– Bu cümleleri klasınızda bir oyun içindä kullanınız.

Şiir.

### Kümeştän seslär.

Tauk sesetti «kıt-kıdak»!

Gel dâ bak, yımırta taa sıcak,

«Kukurigu», deer, öter

Kart horoz kanadı çırparak.

Ördeklär deerlär «mak-mak»!

Örüyüşleri sallanarak:

Tä çiti aşar kaaz sürüsü

Baararak seslän «gaa-gaa»!

Buura – pipi ne kabarmış,

Hiç tä bilmäm kızmış neyâ?

Bak ibii dâ ne kızarmış,


Çekişer «glu-glu» deyâ.

Annatmak.


## İki keçi.

İki keçi karşı gelmişlär bir dar köprüdä.

— Yap bana er, geçeyim, — demiş biyazı.



— Artık sän yap er, bän geçeyim, zerä bän sendän taa büüküm, — demiş karası.





– Bana düşer er yapasın sän, zerä bän ilkin köprüyä pindim, – demiş ilkindisi.

Onnarın kavgası bitmiş ölä, ani düşmüşlər su içinä. Çoban kutarmayaymış, buulaceymışlar.

### **Laflar:**

keçi  
artık  
kavga

**Lafları dooru yazalım:** karşı, yap, geçeyim, ilkindisi, onnarın, kavgası, kurtarmayaymış, buulaceymışlar.

### **Soruşlar:**

1. Bir dar köprü üstündä nelär karşı gelmiş?
2. O keçilerin ne renkleri varmış?
3. Aralarında ne laflar olmuş?
4. Onnar biribirinä neçin yol vermäzmişlər?
5. Onnarın kavgası neylän bitmiş?

Bu annatma ne fikirä getirer?

**Inatlık iilää getirmäz!**

- Uşakların arasında inatlık olêr mı? Annadınız.
- Klasınızda inat uşak var mı?

- İş.
- Resimnerä görä annadınız.
  - Şindi resimsiz annadınız.
  - Rollarlan annadınız.

### **Tekrarlamak.**

1. Ana tarafımız için annadınız.
2. Ana dilimiz için annadınız,
3. Gagauz alfabetini söläyiniz.
4. Alfabetä görä gagauz adlarını söläyiniz.

5. Laf «etmää» başka laflarlan nicä yazılêr?

6. Bir şiir söläyiniz. («Genä şkolaya» D. Tanasoğlu).

## Bilmeycelär.

Aşaadaki bilmeyceleri okuyunuz. Resimneri bakınız. Angı bilmeycä, angı resimi saklêêr? Bilip gösteriniz.

Karşıdan baktım,  
Bir kara ki taş,  
Yanına bastım,  
Dört ayak, bir baş.



Dalda durur,  
Eldä durmaz.



Yarım kaşık  
Duvarda yapışık.



Göktä açık pençerä  
Kalaylı bir tencerä.




Üstündän ot biçerim,  
Altından süt içerim.




## ÖLÇÜLÄR.

### Uzunluk ölçüleri.

1) Resimdä gördüklerinizi annadınız.



2) Uzunlukları ölçmek için kullandığınız objeyi gösteriniz.



3) Resimde görülen metra çeşitlerinin adlarını söyleyiniz.



4) Metranın kullanıldığı yerlerini söyleyiniz.

### Toplamak işlemi.

Aşağıdaki kuşları sayınız. Toplamak işleminin yapılışını inceleyiniz.

a) Kırmızı renkli kuşları sayınız. 5 tanedir. Diyebilir miyiz?

b) Maavi renkli kuşları sayınız. 6 tanedir. Diyebilir miyiz?

Beşlän altı eder? = onbir mi? ( $5 + 6 = 11$ ).

### Katlamak işlemi.

1) Aşağıdaki katlamak işlemnerini akıldan yapınız.

1 kerä 10; ... eder.

6 kerä 10; ... eder.

2 kerä 10; ... eder.

7 kerä 10; ... eder.

3 kerä 10; ... eder.

8 kerä 10; ... eder.

4 kerä 10; ... eder.

9 kerä 10; ... eder.

5 kerä 10; ... eder.

10 kerä 10; ... eder.

2) Aşağıdaki katlamak işlemnerini akıldan yapınız.

$2 \times 10 = \dots$

$3 \times 10 = \dots$

$6 \times 10 = \dots$

$1 \times 10 = \dots$

$7 \times 10 = \dots$

$9 \times 10 = \dots$

$4 \times 10 = \dots$

$5 \times 10 = \dots$

$10 \times 10 = \dots$

$8 \times 10 = \dots$

3) Şkolanızın başçasında 4 m uzunnuunda bir dooru parçası çiziniz.

4) Şkolanızın başçasında 8 m uzunnuunda bir dooru parçası çiziniz.

5) Sizin riglanızda 1 cm, 2,5 cm, 4 cm, 6 cm. bulunuz.

Şindi: 10 mm, 15 mm, 25 mm, 40 mm bulunuz.

### **Soruşlar:**

1. Şekeri neylän ölçeriz? Aarlık ölçülerinnän mi?

1 kg, 5 kg, 7 kg h.b.

2. Südü neylän ölçeriz? Sulular ölçülerinnän mi?

1 l, 2 l, 6 l, 10 l, 12 l h.b.

3. Taa neleri kg-nan ölçeriz? Almaları mı? ... Taa?

4. Taa neleri l-län ölçeriz? Oloyları mı?, ... Taa?

### **Problema çözdürmāk.**

1. Uşaklar klasa çiçek getirdilär. Soni 9 gül getirdi, Maşi 8 gül getirdi. Uşaklar hepsini kaç gül getirdilär?

Ki cuvabını bulmaa ne yapacez? Toplatmak mı?

— Çözdürmāk:

**Problemada nelär verilmiştir?**

a) Soni 9 gül getirmiş.

b) Maşi 8 gül getirmiş.

**Problemada sorulan nedir?**

Uşaklar klasa kaç gül topunu getirmişlär?

Çözdürmesi — toplatmak: 9-lan 8 olër 17.

$$9 + 8 = 17$$

## **Resim – iş**

**Şoruşlar hem iş.** (Kalemnän, boyalarlan).

1. Kanikula deyni nesoy resimnär yaparsınız?
2. Sincir, balon, alkacık resim ediniz. Boyayınız.
3. «Bütün dünnä uşakları kardaştır». Resim ediniz.
4. «Dünnedä baarış». Resim ediniz.

## **Eliši kiyatlarlan iş.**

### **Sincir.**

Renkli eliši kiyatları keselim.

Biribirinin içindän geçireräk yapıştırıralım.

### **Balonnar.**

Türlü renkli balonnarı şişirelim.

Şişirdiimiz balonnarda türlü gerciklär (boya) fırçaylan yapalım hem yazalım: «Baarış», «Dostluk».

## İÇİNDEKİLÄR

Gagauzistan. <i>D. Tanasoğlu</i> . . . . .	3
Gagauz alfabeti . . . . .	4
Genä şkolaya. <i>D. Tanasoğlu</i> . . . . .	6
Intuiþiya. Köpek . . . . .	8
Lafetmäk. İi dost . . . . .	10
Okumak. Şeremetlik evi . . . . .	11
Tilkinin şalvirlii. (Halk masalı) . . . . .	12
Lafetmäk. Soruşlar <i>kim? ne?</i> . . . . .	14
Siir. Okumak. Kiyatlarım. <i>Ausel Tukalya görä</i> . . . . .	15
Lafetmäk. İnformaþiya . . . . .	17
Okumak. Annatmak. Tilki hem Turna. (masal) . . . . .	19
Lafetmäk. Telefonda. (Dialog) . . . . .	20
Lafetmäk için . . . . .	22
Şiir. Güz günneri. <i>D. Tanasoğlu</i> . . . . .	23
Dil. Cümlä . . . . .	24
Okumak. Ceviz kimindir? . . . . .	26
Dil. Soruş nişanı (?) . . . . .	27
Şaşma nişan (!). Dionizçik zooparkında . . . . .	29
Okumak. Maşinin resimneri . . . . .	32
Dil. Nokta (.), Virgül (,) . . . . .	34
Şiir. Mılçı. <i>D. Kara Çoban</i> . . . . .	35
Okumak. Aylä . . . . .	36
Dil. Subyekt . . . . .	38
Şiir. Okumak, lafetmäk. Şkolaya. <i>N. Tanasoglu</i> . . . . .	39

Yabanı . . . . .	41
Şiir. Pek islää! <i>N. Tanasoglu</i> . . . . .	42
Dil. Predikat . . . . .	43
Okumak. Dostluk nedir? (Bir kiyattan) . . . . .	45
Oyun . . . . .	46
Şiir. Tertiplik. <i>N. Arabacı</i> . . . . .	48
Temizlik. <i>N. Arabacı</i> . . . . .	49
Okumak. İlk kaar . . . . .	50
Kontrol. Paalamak testi — 1. (İlk yarıyıl için) . . . . .	51
Dedelär . . . . .	53
Okumak. Kaar-Peri. <i>Hans Kristian Andersen</i> . . . . .	56
Lafetmäk. Şiir. Yortular. Kolada . . . . .	57
Eni Yıl . . . . .	59
Okumak. Kanikulda . . . . .	61
Dil. Cümlä. (Tekrar) . . . . .	63
Okumak. Annatmak. Tekst için . . . . .	67
Dil. Subyeht hem predikat. (Tekrar) . . . . .	69
Şiir. Kış. <i>T. Zanet</i> . . . . .	73
Garganın masalı. Halk masalı . . . . .	74
Dil. Adlık. Obyekt adları. İnsan adları . . . . .	77
Okumak. Söz. Gün, kaar hem lüzgär. <i>L. Tolstoy</i> . . . . .	79
Dil. Nişannık. Nişan gösterän laflar . . . . .	81
Şiir. Geler ilkyaz. Şkola türküsü . . . . .	83
Anaların günü . . . . .	84
Lafetmäk. Laflar hem cümlelär. (Tekrar) . . . . .	86
Okumak. Söz. Araslan-Beyin anası. (Lecenda) . . . . .	88
Nazıklık insanı güzelleder . . . . .	90
Test — 2 . . . . .	91
Okumak. Söz. Oldan-batır hem kıpçak hanı. (Lecenda) . . . . .	92
Dil. Aderlik. (Adlun erini tutan laflar) . . . . .	94
Okumak. Söz. Kedi hem tilki. <i>L. Tolstoy</i> . . . . .	96
Okumak. Söz. İlk yaz kanikulunda . . . . .	97

Dil. İşlik . . . . .	99
Tamahlık . . . . .	101
Dil. İşliin zamannarı . . . . .	102
Geçmiş zaman . . . . .	103
Paskellä . . . . .	104
Şindiki zaman . . . . .	105
Gelecek zaman . . . . .	105
Masal «Gargaylan Tilki». <i>I. Krlova</i> görä . . . . .	106
Gözäl gagauzçamız. Laflar hem cümlä. (Tekrarlamak) . . . . .	108
Gözäl Ana dilimiz. Gümleleri laflara daadalım, sora genä topladalım. (Tekrarlamak) . . . . .	109
Test — 3 . . . . .	109
Okumak. Söz. Istemi Kagan hem Tepecik-Babaog . . . . .	110
Şiirlär. Gözäl gagauzçamız . . . . .	112
Annatma — masal. Kırmızı takecik. <i>H. Andersen</i> . . . . .	113
Serbest okumak. Çorba . . . . .	116
Käämil sofra . . . . .	117
Esaplar . . . . .	118
Okumak. Söz. Anatar . . . . .	120
Ölçülär . . . . .	125



**D. Tanasöglu, Prof. Dr.**

**A n a d i l l  
O K U M A K , D İ L , S Ö Z**

**II-ci klas için**

**İkinci basım**

**Redactor artistic: L. Cuşnirenco**

**Tehnoredactor: L. Jukov**

**Culesul şi paginarea: S. Bronschih, V. Cerneavscaya,  
M. Covalschi, L. Morozov, R. Raţă**

---

**Bun de tipar 24.07.97. Format 60×84 1/16.  
Coli de tipar conv. 7,67. Coli editoriale 7,0. Comanda nr. 70966.**

**Întreprinderea editorial-poligrafică Ştiinţa,  
str. Academiei, 3; MD 2028, or. Chişinău; Republica Moldova,  
tel. (3732) 73-96-16; 73-97-50; fax: (3732) 73-96-27**

**Imprimare la Combinatul Poligrafic, str. Petru Movilă, 35;  
MD 2004, or. Chişinău; Republica Moldova  
Departamentul Edituri, Poligrafie şi Comerţul cu Cărţi**

## Seçilmiş yannışlıklar

Kiyatta kaçırılmış yannışlıklar.

Sayfa	Yazılı	Okuyun
3	aarêér	aarêr
9, 14, 29, 31, 78	tavşandan, tavşan	tavşamdan, tavşam
13	Tilki, yi	Tilkiyi
15, 51, 59	uyugun	uygun
19, 20	Aç	Aaç
20	«etmek»	«etmək»
24	arasında	arasında
41	açlık	aaçlık
44	subyekleri, Buçak	subyektləri, Bucak
45	sündü	süündü
50	dän	bän
51	söleyiniz, deneyiniz	söläyiniz, denäyiniz
53	senseleymişlär, erindeymiş	senseläymişlär, erindäymiş
58	sevinmeklän, söyleyin	sevinmäklän, söläyin
59	baaşışlerini, islä, baaşışleri, Sevinmek	baaşışlarını, islää, baaşışları, Sevinmək
61	baaşışlöz	baaşışlar
65, 78, 103	beegir	beygir
67	yapârlar	yapêrlar
68	paylara	paylara
69	Düşüncüm	Düşünelim
70	şölayiniz	söläyiniz
71	tamanmêér	tamannêér
72	gösteän	gösterän
74	somumu	somunu
76	okılınıza, poetic, söläyınız	akılınıza, poetik, söläyiniz
82	masalda	masaldan
84	Söleyim	Söleyim
85	esil	eşil
88	gurginliklän	girginliklän
94	hamın, korkmamş, kiadlık, nişannık	hanım, korkmamış, adlık, nişannık
99	deliner	deniler
100	bakınız	bakınız
120	şokadı	tokadı
126	inceleyiniz, tanedir, diyäbilirmiyiz	inceläyiniz, taa nedir, deyäbilirmiyiz
127	cm	çm